

МИНИСТЕРСТВО ОБРАЗОВАНИЯ И НАУКИ РФ

ДАГЕСТАНСКИЙ ГОСУДАРСТВЕННЫЙ ПЕДАГОГИЧЕСКИЙ УНИВЕРСИТЕТ

Ильясов М.В.

**ДАРГАН МЕЗЛА ПРАКТИЧЕСКИЙ КУРС
(СТУДЕНТУНАС ХАСБАРИБСИ ПОСОБИЕ)
I - ЧАСТЬ**

Мях1ячкъала 2008

Рецензенты: 1. Сулейманов А.А. – к.ф.н., профессор каф даг. яз. ДГПУ
2. Багомедов М.Р. – к.ф.н., доцент каф. даг. яз. ДГУ

МИНИСТЕРСТВО ОБРАЗОВАНИЯ И НАУКИ РФ

ДАГЕСТАНСКИЙ ГОСУДАРСТВЕННЫЙ ПЕДАГОГИЧЕСКИЙ УНИВЕРСИТЕТ

Ильясов М.В.

**ПРАКТИЧЕСКИЙ КУРС ДАРГИНСКОГО
ЯЗЫКА
(ПОСОБИЕ ДЛЯ СТУДЕНТОВ)
I - ЧАСТЬ**

Махачкала 2008

Бух1набуц
Фонетика

Абхьибти ва кьап1ти т1амри.....	2
Т1амри яргадик1ни, кадиркни, имц1адирни.....	5
Х1едарибти ва дарибти дугьби.....	9
Орфография.....	10

Лексика

1. Литературный мез ва лугьатла дугьби.....	20
Гъайла бут1ни (обобщение)	
Существительное.....	26
Прилагательное.....	37
Числительное.....	46
Местоимение.....	52
Глагол.....	54
Причастие.....	59
Деепричастие.....	63
Глагол-существительное.....	66

Наречие.....	67
Союз.....	72
Кесек.....	76
Послелог.....	81
Междометие.....	86
1. Диктантуни.....	91
2. Изложениеби.....	93
3. Буралаби.....	96

Фонетика.

Фонетика мезла г1илмула ца бут1а саби, сунезибра гъайла т1амри алк1ни, ударение ва бирк1ан руркъниличила буруси.

Фонетикали т1амри алк1ни ва илдазир кадиркути дарсдешуни чедиахъу.

Дугъби цаладиркути сари т1амразирад. Т1ама девла бег1ла бишт1аси бут1а саби. Т1ама алк1уси саби гъайла бирк1антала кумекличил: духути, халаваибсини, гъаббак1иб.

Абхъибти ва къяп1ти т1амри.

Даргала литературный мезлизир дузахъути 7 абхъибти т1ама сари: [а],[я], [и], [у], [э], [о], [ы]. Илдазирад ы, о урус мезлизирад г1ерасибти дугъбачил дарх дак1ибти сари. Къяп1ти т1амри имц1али сари. Сари алк1уси тях1ярличи

х1еръили, илди к1ел кьукъяличи дурт1ар: сонорныйти (т1амала кумекличил алк1ути) ва шумличилти (гъадирк кьаршибикили алк1ути)

Сонорный сари [м], [н], [л], [р], [й]: лерил г1елар калунти кьап1ти т1амри шумличилти сари.

Лерилра кьап1ти т1амри 37 сари. Илди лерилра дек1ардирути сари алк1уси мер х1ясиблира (к1унт1убала, лезмила, кьакъарла)

Литературный мезлизиб гъалабси кьап1си г1ергъисиличи мешубиркур.

рл-лл: мар-марли [малли].

нм-мм: вякьунмад [вякьуммад].

бм-мм: ак1убмад [ак1уммад].

Х1янчи 1. Удир гибти предложениеби литературный мезла нормаби х1ясибли саркъахъили делч1еная.

Мусахъай вахъх1и агарли хъарла дурайкиб. Марлира, ил хат1ах1ейкиб. Татауй ил вархъли сай вик1уси азбарлизи киб. (С.Г1.)

Сурсур х1якала дулгъуби х1ябмузан хива дирц1ул. (х.д.)

Берх1и абухъунмад хъубзар кьашмачив сай. (х.х.)

Г1ях1мад дурсри тамандиубмад дуц1ли хъули сах1еибси барх1и камли бири.

Хъанц1а закла халал чятирла удир чедиу майдунти, шинишли – хъуми.

Бура шантази, дигули виадли миц1ирли калес. (Р.Рашидов)

Нуни х1у иша вак1ибмад чеири.

Х1янчи 2. ю, я, ё, е х1урпрани чидни дугъбазир к1ик1ел, чидни дугъбазир ца-ца т1ама иргъахъулил, белгидарая.

Някъ, кьаш, к1ел, ялчи, ябу, яни, вак1ес, х1яя, г1яяр, юлдаш, юргъан, пулемёт, Европа, буюр, эмх1е, юрт.

Х1янчи 3. Урк1иличиб даргала алфавит бурес. Г1ур ил тетрадьлизи белк1ес.

Х1янчи 4. [ф] – т1ама дарган мезла аслу-минала цачумал девлизибцун саби лебси. Илди дугъби гъандихъая ва чучил предложениеби пикридарая.

Х1янчи 5. Г1ергъити дугъбазирад чузир х1урпрачир т1амри имц1ати дугъби дек1ардарая.

Дяг1, бях1аэс, мях1румли, сях1бат, бяг1ли, ящик, щётка, ясир, ёлка, самолёт, камбийни, шишимала, усаэс, г1ях1деш, бурям, къала, юрт, байрахъ, яда, ялчи, ябу.

Х1янчи 6. Урус мезлизирад г1ерасибти дугъби даргая. Илдазир дарган мезла аслу-минала дугъбазир агарти абхъибти т1амри дек1ардарая.

1. Столла г1ела къац1ли букес кабиибти илдала-ургаб ихтилат балбиркули ах1енри. (А.Ибиев)
2. Дубуртар Дагъиста т1абиг1ятла жагати памятникуни, адамтала пикруми чучи дит1ик1ути жагадешуни, тикрардарес х1еэсти ва чучирли сари ак1убти къугъати някъишуначилти сари илди. (И.Мях1ямадов)
3. Ишбарх1и Г.А. Илизаровла прибор нушала ва дурала улкнала лерилра травматологияла отделениебазир лер. (И.Шамилов)
4. – Ишх1елла фермер ветаэс дигулра, Хизриевич, - вик1ули сай Г1ямар разили пишихъили ва Викторлизира набзира сунела мулк чебиахъули. (И.Х1усейнов)
5. – Х1ела отпускра бих1ули, ну вик1уси барадли. Шагъарлизиб, агропромлизиб х1ед х1янчи гахъес вяг1далавиубра. (Г1.Вях1идов)
6. Вайси х1ебири, художественный жузи нешла мезличи имц1али шурдаталри. (Г1.Абу-Бакар)

Х1янчи 7. Предложениебазир лерти сонорный т1амрала дугъби черделк1еная.

Нушала ши авалра шайчибад дубурта алавкабарили саби. Гъанна ши багъес агарли барскабиубли саби. Гъалаб шила къакъурбикад башес бируси

ч1янк1ли эмх1ецун бири. Гъанна биалли илад дигалли урки, дигалли машинаби дашар.

Нушала ши дебали жагаси саби. Илрти цадерх1ла ва к1идерх1ла сагати юртани ц1едешла унхъра алавкавцили сари. Шила дублаб ц1убли чебиули клуб саби. Шила итил шайчиб дахъал улкъайтачилси школа саби. Шилизиб туkenpa лeб. Шила дублабси х1ерк1личиб барили электростанцияра лeб. (Б.Г1ялибековлайзибад)

Х1янчи 8. Буралабазирти абхъибти т1амри уди ца тугъаили, къяп1ти т1амри к1ел тугъаили дек1ардарая.

Духусилис лебилра дунъя ват1ан бирар.

Г1ях1си уршини дудеш шадиру.

Лезмили дарибти гидгуразибад хайнига барес х1ейрар.

Нешли гап-чях1рарибси рурси багъализир дурхъах1ериуб.

Г1ебшнилизиб ак1убси жибх1я дагъа бетх1еур.

Мех1ур хабуртала къяшми г1еркъати дирар.

Гамилис дигуси къяйда х1ебирар дяг1 булхъуси.

Кани-адамла душман.

Т1амри яргадик1ни, кадиркни, имц1адирни.

Сагати дугъби яра илдала формаби алк1ух1ели, илдала ца бут1ализиб чиди-биалра ца т1амала мерлаб царх1ил т1ама бак1или бирар. Илдигъунти анц1букъунас морфологический яргадик1ни бик1ар.

Дарган мезлизиб абхъибти ва къяп1ти т1амри яргадик1ни имц1али къаршибиркули бирар ишди удир гъандуршути анц1букъуназиб:

1.Существительноебала дахълихъла форма бирух1ели: набадари-набадури, мучари-мучури, къял-къули, эмх1е-умх1и, дуги-дугурби. Существительноебазиб имц1али яргадик1луги абхъибти т1амри сари: а-у, е-у, я-у, и-у; вянкъ-винкъ, вях-вих, зянкъ-зинкъ.

2. Местоимениеби падежунадирух1ели: ну-наб; х1у-х1ед, х1ечи.

3. Глаголлизиб: барес-бирес, асес-исес, бемхи-бумхес, бемгес-бумгес ва ц.

Х1янчи 1. Т1амри яргадиубти дугъби жут-жутли делк1еная, ва яргадиубти т1амри девла чидни бут1назир сарил бурая.

Г1ибрат: мухъари-мухъури.

Янц1ури, дуг1би, бех1ц1ари, янц1ари, бех1ц1ури, вак1ес, барес, бухес, хъали, мучари, дяг1, набадари, бакес, вянкъ, вашес, бирес, бихес, хъули, мучури, набадури, бикес, винкъ.

Х1янчи 2. Г1ергъити дугъби дарсдарая, чула чиди-биалра т1ама яргабиэсли. Бурая, т1ама яргабиънили девлизиб сегъуна барсдеш барилил.

Леб, п1инкъ, вях, абхъес, бакъес, асес, арбухес, бак1ес, вак1ес, хъали, набадари, янц1ари.

Х1янчи 3. Г1ергъити глаголтала таманак1енти формаби дарая. Яргадиубти т1амри уди тугъаили дек1ардарая.

Бемх1ес, аргъес, абхъес, амч1ес, берц1ес, белхъес, баргес, беркес, арзес, бержес.

Х1янчи 4. Удир гибти местоимениебала формабазир яргадиубти т1амри чедаахъес. Илдала гъарилличил дугъбала цалабикуни дарес.

Ну-наб, х1у-х1ед, сай-сунес.

Х1янчи 5. Ишди дугъбазир яргадиубти абхъибти ва къап1ти т1амри чедаахъая. Бурая, илдани девлизир сегъуна барсдеш, алк1ахъулил.

Вяхяр-вихир, зянкъ-зинкъ, мучари-мучури, янц1ари-янц1ури, барес-бирес, асес-исес, балгес-булгес, вих-вях, ну-наб, хъалч-хъулчри. Эмх1е-умх1и, бех1ц1ари-бех1ц1ури.

Х1янчи 6. Ишди существительноебала дахълихъла формаби дарес. Яргадиубти т1амри уди тугъаили дек1ардарес.

Хъали, г1ятари, набадари, кабц, х1ерк1, къял, дяг1, гами, дулгъа, х1янчи, х1енкъ, къац1.

Х1янчи 7. Урдартути абхъибти х1урпри кадалтули, предложениеби черделк1еная. Илди т1амри дугъбала чидни бут1назир сарилра бурая.

Дурх1ни киноличи х1ер...йс бякъун.

Дудеш урчиличивад ч...вухъун.

Хъубях1румала замана нушала колхозла урчи гъ...лабухъун.

Самолет аэродромлизи к...бииб.

Итала хабарли дахъал т1ама-гъама ...хъдуциб.

Сулайбан ца камси замана т1ашли сай, пикруми учидяхъ...с дигусин, къайгъиличил х1ерик1улри. (Э.Къапиев)

Х1янчи 8. Ишди приставкабала кумекличил сагати дугъби дарая: са-, ка-, а-.

Г1ибрат: буцес – абуцес.

Дугъби: батур, бухес, буцес, буциб, бякъун, бухъун, байб, ухъун, ахъиб.

Х1янчи 9. Гъар т1ама алфавитлизиб белгиси х1ярпличил чебаахъибси саби.

Гъарил х1ярпличил ца-ца дев пикридарес ва делк1ес.

Т1амри кадиркни.

Дарган мезлизир девла форма барсбирух1ели яра сагаси дев алк1ух1ели, яра къяп1си т1ама чеббикили бирар. илис т1амри кадиркни бик1ар.

Абхъибси т1ама кабиркули бирар:

Существительноела дахълихъла форма бирух1ели: къап1а – къап1ни, урхъу – урхъни, х1ева – х1евни ва ц.

Абхъибси т1амаличил тамандирути цацадех1 прилагательноебазирад сагати дугъби дирух1ели: ц1уба – ц1убдеш, бухъута – бухъутдеш ва ц.

Къяп1си т1ама кабиркули бирар:

Глаголла таманси формализирад таманх1енси форма бирух1ели: бирцес – ицес, бирц1ес – ирц1ес ва ц.

Глаголла убла заманала формализирад деепричастие бирух1ели: асиб – асили, бариб – барили, бацун – бацц ва ц.

К1иибил склонениела дугъби падежунардирух1ели, ург1ерти падежуназир: душман – душма, дарман – дарма, къял – къя.

Х1янчи 1. Кадикибти т1амри белгидарая. Илди т1амри дак1ахъили, дугъбала формаби делк1еная.

Г1ибрат: цулби – цула.

Изес (къял изес), икъес (ибала икъес), ирц1ес (хъу ирц1ес), мазни, г1ежни, къяцни, х1якни, утни, галгуби, кигъми, къачни, иркес (ч1янк1и иркес), ирк1ес (гидгари ирк1ес).

Х1янчи 2. Ишди существительноеби падежунардарая. Кадиркути т1амри чедаахъая.

Мурул, хъунул, къял, уркъули, бушкала.

Х1янчи 3. Чула дахълихълизир т1амри кадиркути 5 существительное делк1еная. Илдачил предложениеби пикридарая.

Х1янчи 4. Текст белч1еная. Белгидарая, чидни дугъбазир фонетический анц1букъ сарлин, абхъибти ва къяп1ти т1амри чердикилил.

Г1ела г1ебшнила замана сабри. Гъар шайчибад дубуртани алавбарибси, рангдуунти к1али хъулдарибти галгубала ч1ярт1а сиртли байбяхъибси, бишт1аси ши барх1ехъла сак1убдешлизиб гъумбик1улри. Авлахъличир таманни делкъес х1ебикили, чула т1енурбачи гъалакти миц1ираг, цалис цали гъуни х1елугули, шилизи дух1надухъулри. Илди багъладарес вав – ч1ярик1ули сак1убси х1енкъула Ибрагъим, шилизи гъамиубх1ели,

лех1кахъиб. Майѣа бушкуб, ва гъанналра бамсриихъис вик1усин, шила дубларти х1ябри алавдарибси лацличи хъарахъили т1ашизур. Амма илмадан Ибрагъим урклавхъун: х1ябразибад вишт1аси дурх1яла назикси т1ама язихъили ц1умбухъун ва чуйнал тикрарбиубли беркъиб.

- Вях1! - тамашаиуб Ибрагъим, иш се анц1букъа? Гъанна чила вишт1аси вируси ишав? Белики наб вишт1асила т1ама гъанарули бургар. (Газетализибад)

Т1амри имц1адирни.

Дарган мезлизиб дев ца формаличибад царх1ил формаличи барсбирух1ели, къаршибиркуси анц1букъ саби т1амри имц1адирни. Имц1аливан ил анц1букъ къаршибиркур глаголла таманси формализибад таманх1енси форма бирух1ели. Масала: игъес – иргъес, бат1ес –балт1ес ва ц.

Х1янчи 1. Тамри имц1адиубти формаби делк1еная.

Г1ибрат: бячес – бялчес.

Бахес, бучес, ат1ес, касес, бигъес, бяч1ес, батес, бицес, биц1ес, бег1ес, бут1ес.

Х1янчи 2. Пикридарая 7 предложение, чузирра т1амри имц1адирути дугъби лерти.

Х1янчи 3. Ишди дугъбала бек1 барх1ила формаби делк1еная. Г1ур бурая, сегъуна барседеш ак1уба.

Улхъес, бурцес, бирц1ес, ванц1улхъес, дураулхъес, пикриулхъес, балбиркес, бац1булхъес, кабулхъес, бурт1ес, алт1ес, иркес, иргъес, вявик1ес.

Х1янчи 4. Ишди г1ергъити дугъби дахълихълизир делк1еная. Илдазир яргадиубти, кадикибти, имц1адиубти т1амри чедаахъая ва илди дугъбала чидни бут1назир сарил бурая.

Вава, вац1а, ула, кам, т1ал, х1ерк1, бек1, гантари, дякъ, шанг, далай, галга, х1яка.

Х1едарибти ва дарибти дугъби.

Дарган мезлизир дугъби дирар дарибтира хледарибтира. Морфемабачи дехъес хлейрути, ца хлячилизирадцун детаурти дугъбас хледарибти дугъби биклар. Масала: ши, хъали, неш, бекл, ну, юрт, ит, шин, адам, къацл.

Дарган мезла дугъбала хазнализиб хледарибти дугъбала луглидарибти дугъбалайчиб биштласи саби.

Суффиксунала яра приставкабала, кумекличил детаурти ва илкъяйда, ца дев тикрарбиубли яра клел дев цаладикили детаурти дугъбас дарибти дугъби или биклар. Масала: чебухъун, адамдеш, някъ – някъли ва ц.

Х1янчи 1. Приставкаби чедалтули сагати дугъби дарая.

Бухъун, бала, бихъес, бикес, бухиб, баиб, айб, абердиб.

Х1янчи 2. Глергъити дугъбазирад чидни хледарибти аслубачилти сарил кабизахъирая. Клинайс хледарибти дарибти детахъурли, дарибти хледарибти детахъурли черделкленая.

Тукен, байрахъ, бялихъ, цлакъли, цлакъдеш, абдал, мургъигъуна, гъабза, иб, эс, мискин.

Х1янчи 3. Ишди хлячмачи суффиксуни чедалтули, сагати дугъби дарая.

Ахъ, гляш, сахават, пяхл, цлакъ, шала, цляб, вай, ункъ.

Х1янчи 4. Хледарибтира дарибтира аслубачилти дугъби декларли черделкленая. Бурая, дарибти дугъби чидни бутлназирад цаладикилил.

Гъай, гъайала, хлер, хлеруди, узи, рузи, узикъар, рузикъар, хъалибарг, къацлдурц, вацлапакъ, хъябхъя, хъябхъядеш.

Х1янчи 5. Дарибти ва хледарибти дугъби деклар – декларли делклес.

Дяхлушкан, бекл, къянкъ, вацла, вацлапакъ, къацл, гъай, халаси, мурхъдеш, уршби, уркли.

Х1янчи 6. Ишди дугъби сари – ургар тухумти диъни кабизахъирая.

Х1еруди, х1ербарес.

Изаэс, изала, излукъ.

Узикъар, рузикъар, узи, рузи.

Ахъдеш, ахъси, теб, к1еб.

Орфография.

Орфографияличила баянти.

Орфография Грецияла мезла «орфос» «бархъси» ва «графо» «лук1ула» ибти дугъбазибад саби.

Орфография – дугъби, илдала бут1ни (морфемаби) лук1нила, дугъби дарх, дефисличил, дек1арли лук1нила, халаси х1ярп пайдалабирнила ва дев чеббихнила къяйдуртала цалабик саби.

Къант1ли буралли, вархъли лук1нила къяйдуртала цалабиклис орфография бик1ар.

Учидяхъ, цаладыхъ дугъби ва илди лук1ни.

Дарх лук1а:

К1ел дев (аслу) цаладикили ца сек1айс, мер-мусалис умили детаурти, царх1ил мяг1на иргъахъути дугъби: дагъриагар, г1ях1гъабза, Г1ялихан, Уллуг1ая, х1ябмузан ва ц.

Ишара. Мер-мусала умала гъалабси бут1а хас падеж биалли, дек1арли лук1а: жангала къада, Чях1ила къада ва ц.

Дефисличил лук1а:

Ца дев, аслу тикрарбарили дарибти дугъби: балу-балули, вец1-вец1ал, мер-мерлаб, дуб-дубли ва ц., амма дарх лук1а: к1ик1ел, шушел, гъагъал.

Ранганала уми: ц1яба-хъанц1а, шала-х1унт1ена, мургъи-ранг ва ц.

Цаургабла луг1и иргъахъути дугъби: к1ел-х1ябал, шел-урегал, урч1емал-вец1ал ва ц.

Антонимтазирад детаурти учидяхъ дугъби: неш-дудеш, берк-берж, урши-рурси ва ц. Иша кадурхар синонимтазирад детаурти дугъбира.

Чула ца бутла яра клелра бутлала сегуналра мяглна агарти дугъби: чый-май, чакар-макар, чай-мага, хляз-хлуз, тлимир-химир, хляпур-чяпур ва ц.

Клиэсил бутла ишди дугъбала ца биалли: - *сера*, - *секлал*; шин-секлал, гъачамра-сера, гъалабси дев уйхъу падеж биубхлели *алав*, *вархли бархъли*, *дяхли*, *гъабли*, *ургаб*; глаголлис глергъи чуйна; суалла девлис глергъи *биалра*, *дигара*, *саял*. Масала: чуйнара-сера, къацл-секлал, хъали-алав, нуша-алав, хлу-вархли, тлал-бархъли, бархли-дяхли, шали-гъабли, хлуша-ургаб, ваклиб-чуйна, гъанбикиб-чуйна, се-биалра, чи-виалра, се-дигара, чиди-саял, чи-саял ва ц.

Декларли лукла:

Учибяхъ глагол декларли лукла, сунела клелра бутлала ургаб отрицаниела хле -, хля -, къадагъабируси *ма* - ва мяглна цлакъбируси *ка* - приставкаби ахленси цархлил секлал леб биалли:

таманра бариб (таманбариб, таманхлебариб);

гъай чина виклуси, клунлубалра шикъдирули хлейалли (гъайиклусив)

тламалира биркьули саби (тламалибиркьули саби, тламаликабиркьули саби).

Гъалабси бутла определениели биубти, чуни ца суайс жаваб лугути, предложениела ца членни дирути, дугъбала делхъхледелхъути цалабикунас цаладяхъ дугъби биклар. Илди чула мягнубазир ца девла мягналичил цугти сари. Цаладяхъ дугъби секлултас уми (существительноеби) сарлин, предложениела дурарра дузути сари, ва белклизир илди декларли луклути сари: гъала хлеб, глела хъали, урга дев, муси дирихъ, лугу падеж, Убяхл Мулебкли, дай хлери ва ц.

Х1янчи 1. Глергъити дугъби скобкаби агарли, глягlnиси тяхлярли делкленая.

Гили (къабта), вай (баркъ), гляхл (баркъ), Мяхляч (къала), Цлурри (къада), Жангла (къада), Алхилавла (махъи), Гляли (къади), Хляжи (мурад), кли (клел), вайна (гляхлна), абиз (кабиз), унза (ганзи), урши (рурси), неш (дудеш), хала (неш), муси (дирихъ), клали (бяхъиб), гъавала (виуб).

Х1янчи 2. Учидяхъ ва цаладыхъ дугъбира даклыхъили «Нушала анхъ» ибси ца хабар белкленая.

Х1янчи 3. Г1ергъити царка дугъбазирад учидяхъ дугъби дарая, тетрадунази делкленая.

Г1ибрат: махъи, къакъа – Къакъамахи.

Къала, къада, кент, юрт, хан, махъи, Мамед, Чири, Хасав, Г1яли, Кабка, Ванаши, Ц1урри.

Х1янчи 4. Орфографический словарьлизирад дефисличил делк1унти вец1ал дев черделкленая ва илдачил предложениеби пикридарая.

Х1янчи 5. Цаладыхъ дугъби ва дугъбала цалабикуни дек1ар-дек1арли делк1ес.

Хала неш, хъунул адам, гъар адам, дурх1нала неш, даршлим шел, жявли алзес, х1якала вег1, узичил варх.

Х1янчи 6. Предложениеби черделкленая. Илдазир дарх делк1унти учидяхъ дугъби уди тугъаили дек1ардарая.

1. Ашкарлигу, гъаларван дарибти забли ил халабаахъибсигъунари.
2. Лямц1ли алавчар шалабирулри, къукъула т1ама к1ухбик1улри.
3. Нушала мякълабад гъуни байбяхъили, гъайк1уртала зянкъаръайчил ябнала илхъи шалг1еббухъун.
4. Нушала машинала т1амали чинадрил мякъларад хури гъямдухъахъун.
5. Багъеслири, хури нушачидях1 дуц1духъни. (Х1.Рабаданов).

Х1янчи 7. Бурсибируси диктант. Скобкаби урасили, учидяхъ дугъби дархъли делкленая. Сари делк1нила тях1яр-къяйда баяндарая.

Вет (садухъун), баян (бариб), (хъехликес) (кайиб), хляя (агар) виуб, урклила (баклиб), хлял (агар) викиб, хабар (агар) викиб (хлели), гьайбара (гьай), хлядурли (кайи), буриб (буриб), уркли (глергъи), (дулхъахъес) (кайиб), (багъурра) (къалли).

Х1янчи 8. Глергъити дугъби дарх, декларли ва дефисличил сен делкунтил баянбарая.

Гили-къабта, вайбаркъ, хъалибарг, Мамедкъала, ваклиб-чуйна, вецлну клира-клира, ваклиб-ваклибси, хлуша-урга, хляйван-къача, унра-хунра, пикрилизиикиб, ургъес бяхлиб, гляхлси кумек бариб, кумекбариб, жалбариб, халаси жал бариб.

Х1янчи 9. Дарх луклути шел ва дефисличил луклути шел дев пикридали дурая.

Х1янчи 10. Ишди царка глаголтазирад учидяхъ глаголти дарая.

Дуэс, биуб, барес, иклес, биэс, бикиб, батур, бушиб, асиб.

Х1янчи 11. Ирнилисцун хасти ва ирнилисра луклинилисра цагъунти къяйдуртачи далдикибти мисалти лерти шушел предложение литературала произведениебазирад диклес ва делклес.

Лексика

Лерилра дугъбала цалабиклис лексика биклар.

Секлулти, баркъудлуми, лишанти, къадар чедиахъухлели, дугъби гьарси мягнализир дирар. Амма илди дугъби цархлилти секлулти, лишанти, баркъудлуми, къадар чедиахъесра пайдаладиру. Масала, бярглибси ибси лишан (бярглибси хлеркл, бярглибси ванза) балбиркур хъали ибси девличира, «разити глямру агарси хъалибарг» ибси мягнализиб.

Ца сек1а (лиша, баркъудила) мяг1на царх1ил сек1айчи (лишайчи, баркъудиличи) чебухибх1ели, девла сагаси лексический мяг1на алк1ан, сунесра чехибси мяг1на бик1уси. Масала: адамла бек1 (гъарси) – дубурла бек1 (чехибси).

Сари цаван лук1ути ва цаван дуч1ути, амма мяг1налашал дек1арти дугъбас омонимти бик1ар. Масала: дармай дикес-дуки дикес.

Памралашал дек1арти, амма мяг1налашал цаличил ца цугти яра мешути дугъбас синонимти бик1ар. Масала: гьалмагъ-юлдаш, жита-гата.

Мяг1нализир цаличи ца къаришити дугъбас антонимти бик1ар. Масала: ц1уба – ц1удара, дуги – х1ери.

Фразеологизмаби дугъбала делхъх1еделхъути цах1набикуни сари. Илдани сек1улти, лишанти баркъудлума чедиахъу. Масала: мух1ли бурдибси, гидгарличил гъес луг1ян.

Х1янчи 1. Г1ергъити дугъбас омонимтили диубти дугъби даргая ва делк1еная.

Къяна (арцан сущ.) –

Шинни бирцес (глагол) –

Мас (лебдеш сущ.) –

Дармай бикес (глагол) –

Тур (ярагъ сущ.) –

Бала (сущ.) –

Гъанк1ли усес (глагол) –

Х1янчи 2. Ишди дугъби жура-журала мяг1нубазир дак1ахъили, предложениеби цах1надахъили делк1еная.

Някъ, хъяб, мегъ, кани.

Г1яг1нити дугъби: адамла, дубурла, узила; диндала, дурх1яла: Аминатла, дирихъла; узила, унзала; мяржбиубси, унзаличирти.

Х1янчи 3. Ишди предложениебазир омонимти ва мешути дугъби дек1ардарая.

Барх1ехъ нуша хъули адац1ира.
Дегъси хъули унци дамсахъур.
Рурсили сунела альбомлизи х1унт1ена к1унт1ри дариб.
Мегъла хъалчир забла к1унт1ри дулхъутиванри.
Бишт1ат1ас урхъу дигахъу.
Нешли урши шилизи ургъу.
Жумяг1 унраличирси исбагъи сари.
Жумяг1 ургабли нушала бег1ти базарличи башар.
Гъайли гъай дургу, к1ат1али г1яби дургу.

Х1янчи 4. Ишди учидяхъ дугъби дархъли делк1еная ва предложениеби пикридарая.

Урцул – далга,	биру – балтуси,
мина – муса,	бишт1ал – халал,
ери – юрт,	муза – къада,
чарх – къаркъала,	барх1и – дуги,
х1янчи – гъуни,	лаг – катх1ел,
г1ядлу – зегъа,	бетх1ел – сатх1ел.
бирцу – исуси,	

Х1янчи 5. Ишди дугъбас синонимти даргая ва делк1еная.

Гуж, г1яг1ниахъала, буц1арси, ц1акъси, вирхаэс, т1яг1ям, жагаси, х1янчи, къулайли, дирхала, багаладеш, марка, буг1ярдеш, хъярхъли, хапли, уртахъ, мискиндеш.

Х1янчи 6. Ишди синонимтала ва антонимтала кумекличил учидяхъ дугъби ак1ахъиарая ва делк1еная.

Г1яйиб, хатир, унза, ганзи, бег1ти, чудни, къимат, хинк1и, тухум, къадри, вац1а, дук1, мургъи, дураз, х1яри, арц, дугай, чехъри, лут1и, вава, улгу, карц1ай, салам, къар, хъулчи.

Х1янчи 7. Замана, баркъуди, ранг иргъахъути антонимти делк1еная.

дугели –	арцес-	гъаббак1ес -
савли –	ириъ-	жявли -
усаэс –	гъанна -	ц1уба -
асес –	ц1ябси -	кайхъес -
бишес –	т1ашизес -	висес -

Х1янчи 8. Предложениебазир синонимти ва антонимти даргили, черделк1еная.

– Пулан юртлизиб х1ербирути мурулра хъунулра профессорти саби, - буриб Осани Баронниси. (М.Х1ямран).

Уршили рурсила някъ сунела някълизи касиб, сурк – х1яршбариб, багълали сунечирях1 рит1ак1иб.

Рах-магли неш жявли чаррулхъули рирар.

Укъясра дила неш, узи-рузи баргесрагу ну аркъуси.

Х1уни къалли дуги-х1ери камли жузи дуч1улри. (М.Хаттаева)

Т1ама-гъамаличи ялчни музабулхъесбях1иб: х1ябалра гъармукани алавурцуси, гъай камдарили къапу абхъа или урухируси. Баталли тупанг закибях1 къяйкбариб. (Х.Г1ялиев)

Мустапа къел-х1ерзи агарли ветахъиб. (Х.Г1ялиев)

Абзур ши вяв-ч1ярлизи г1елабурши. (Х.Г1ялиев)

Х1у ац1ибх1ели, ери-юртра шалабиубсин саби.

– Дебали г1ях1си вири х1ела дудешра, бунагъ-хат1а урдуцаб сунелану: ламус-хатир лерси, кабизлачевси, адабдешличилси. Дебали вахъх1и калес г1яг1ниси адам х1ябра жявли вебк1иб. (А.Къадибях1яммаев).

Бег1лара кахси дергъ-ках1едурхули зумадик1ути гъай-мезла саби. (х.б.)

Х1янчи 9. Назму саркъахъили белч1еная. Синонимти ва антонимти черделк1еная. **Гумайла бикъруми.**

Къянбира ламартдешра –

Ярагъ сар вайгъабзала.
Шут1ни-къунби, хъями-ц1а-
Пишни сари к1ук1айла.

Вег1ли - вег1 гап – чях1вирни
Царх1илти убях1бирни-
Баягъи ца бунагъла
Сари илди к1ел шали.

Абдал духулван х1ейрар
Сунна куц-карц1ализив,
Кайц1уси гъар ганзлизив,
Буру-бурусилизив,

Цабех1 къунба бугъалра,
Лех1ихъути бирхарар.
Царх1илти мар буралра,
Ташмишбик1ули бирар.

Дудеш витаэсличиб
Гъамадси селра агу,
Амма дудешли виэс
Агъ, бахъ къиянси сабгу!

Х1у игъбарла вег1 сайри,
Хъунул г1ях1си риалли.
Х1у г1ялим ветарудра,
Вайси къадарриалли. (М.Х1ямидов)

Х1янчи 10. Ишди предложениебазир антонимти даргая.

1. Х1улбазирад нургъби дашути, урк1и бярг1ибх1ели, яра буц1арх1ели дирар. Царх1ил сабаб-х1улби изни камли бирар.
2. Гъаббик1уси берх1илацад г1елабиркусила х1урмат х1ебиру.
3. Мискинти харидешличи хъулбик1ар, давлачебти цаибси мерличи.
4. Ишбарх1и барес х1яжатдеш агарсира виадли. Х1ебарили жяг1ялис мабалтад.
5. Мурталра барх1и х1ебирар, дугира башар.
6. Бишт1атачила дишт1ати къайгъни, халатачила-халати.
7. Давлачев хамли вирар, мискинси уруз-х1яц1ли.
8. Хъябшилис лех1деш дигахъу, арасилис-масхурти.
9. Г1якълучевси х1янчи барайчи пикриулхъан, г1якълуагар-барили г1ергъи.
10. Вег1ла хяли ваталли, урх1лай валта.
11. Гъарх1ебизурх1ели, духусили сунечи г1яйиб биру, мех1урсили-урх1личи.
12. Гушси къац1лиг1ив къяйц1ик1ар, велкъунси-ухъалиг1ив.

Х1янчи 11. Ишди предложениебазир урус мезлизирад г1ерасибти дугъби чедаахъая.

1. Борщра далкъаахъурли, ц1улх1нира дерц1или Жумяг1 кухняларад дурарухъун. (Г1.Г1агъиров)
2. Законти далутачил цакъадар мях1камли вяшик1ен.
3. Предложение дурайсулра: иш яргалис учетная карточкализира белк1и Рашидхайс строгий выговор бедес. (Г1.Г1агъиров)
4. Отпускала замана санаториялизи, туристла арх1яличи башулри.
5. Илди - предпринимательти, бизнесменти, финансистуни, банкирти, миллионерти, олигархуни, дипломатуни, журналистуни, поэтуни, писательти, жамиг1ятла- политикала къулукуъла х1янчизарти сабри. (М.Тахсурманов)

6. Москва-Мях1ячкъала поезд Мях1ячкъалализи сяг1ят вец1ну цараличиб сабаиб. (М.Хаттаева)
7. Москвала фабрикали дуракайути к1унби Ленинградла тукейзир сецад-дигара лерри.
8. Арцлис буцибти солдатуни, шагъар чула някъбази бикибмад, хъям-къац1лизи ахъиб. (А.Ибиев)

Х1янчи 12. Ишди предложениебазир фразеологизмаби даргая. Суал кабатырая. Предложениела чиди членни диублил, белгидарая.

Мявх1ебик1уси житали бухъмуй халаси буга.

Т1улби духъяна х1яким виар. Бек1 халал талхъан виар.

Къалабати шин урхънази ках1едиур.

Бук1уни бахъбаали, маза буц1а арку.

Гъая бухъянси г1ях1си бирар, гъай-къант1а.

Бац1си някъ хялира лимц1х1ебиру.

Бухъна ваца тимкълизи х1ебиркур.

Бек1ибси эмх1е буц1азибад урухх1ек1ар.

Духуси хъулкили унраличиб хъулки х1ебиру.

Сабаб агарли дукарк1усила х1урмат бетихъур.

Х1янчи 13. Делхъх1еделхъути дугъбала цах1набикуни-антонимтас к1ик1ел мисал пикридарес ва делк1ес.

Х1янчи 14. Делхъх1еделхъути дугъбала цах1набикуни-синонимтала мяг1на бурес. Илди черделк1ес.

1. Т1имкълизи викахъес. Т1акъа бигъес.
2. Мерличи катес. Мух1ли буцахъес.
3. Х1енкълизи х1едахъести (гъай). Т1ем агарти (гъай).
4. Лезмилизиб лига агарси. Бурдибси мух1лила вег1.

Литературный мез ва лугъатла дугъби.

Газетабазир, учебникуназир, художественная литературализир, театрлизир, радиолизир дузахъути, мезла устнани луг¹яндарили, хасти нормаби кадизахъурти, низамличи душибти мез - литературный мез сари.

Даргала литературный мезлис хьулчилис касибси саби ахъушала лугъат, саби лебтанилра аргъес гьамадси.

Дарган мезла лерилра дугъби литературный мезлизи кадерхурли ах¹ен. илди шимазир, махъурбазир адамтани дузахъути, чула мер-мусаличицун хасти дугъби сари. Илдас лугъатла дугъби бик¹ар. Масала: хайдак¹ла лугъат: мейдан (адам); муирала лугъат: ц¹улх¹а (к¹ац¹); ц¹удхъурла лугъат: дух¹и (гидгари); г¹ярбук¹ла лугъат: т¹улут¹ (к¹ац¹) ва ц.

Х¹янчи 1. Назму сарк¹ах¹или белч¹еная. Х¹урх¹ила диалектла дугъби черделк¹еная ва литературный мезличи шурдатирая.

Шихъ зубрас мург¹е т¹алон
Дила х¹айс удых¹ибил
Лих¹би мург¹и жан х¹амх¹а
Дила г¹аралит¹уйну
К¹аданирил ваг¹игли,
Мучицад ч¹адмак¹аб,
Пулцад багаламаб¹еб.
Абаибну, арг¹ибну
Нуни билч¹унил далай,
Чарбак¹или барх¹аиб
Лих¹би мург¹и жан х¹амх¹а
Ва г¹урра далай ира:
Дубси ц¹убдик¹ул к¹алай
Дирк¹а урх¹ бик¹ар алай,
Абацун дилах¹алли,
Мат¹ол балтасу далай. (Г¹.Батирай)

Х1янчи 2. Ишди лугъатличил делк1унти предложениеби литературный мезличи шурдатарая.

Ца замана гылдали цадех1 шала чидагиб.

Истуллике дахъал истакунте лер.

Уцци шаддив вач1иб.

Дали бец1 гъабуцибда.

Удикадел лаг дашуй дусмела х1исаб дура.

Къванилий кебхъа баркый г1яг1ниле саби.

Нуни хве булцуве левра.

Дила бартта бах1еккура.

Х1янчи 3. Ишди предложениеби х1ушала лугъатла дугъбачил дарсдарая.

Мискиндешла унза мурталра гъарзати дирар.

Гидгари биг1унсили г1ярг1яра биг1ес вирар.

Набчила дам бяхъядли, х1ечила дядра бирхъис.

Хяла гъямли пил урухх1ебиру.

Х1янчи 4. Дек1ардарибти лугъатла дугъби литературный мезла дугъбачил дарсдарая.

– Агара биалли, - паргъатли иб Арслай, - биха гъари иша ца к1уц1ул.

Бахъ къут1къубик1улигу

Дурхъабиубла ц1улх1е.

Бахъ къисмат къут1къулигу

Х1ербирутала х1илх1и.

Алапа х1ебиалли, беркес ппаппара х1ебирар.

Духъиличир гъез луг1ян.

Гъайла бут1ни .

Дарган мезлизир гъайла бут1ни.

Морфология грамматикала разделтазибад (морфология, синтаксис) ца саби, суненира гъайла бут1ни (дугъби), илдала морфологический лишанти ва грамматический мяг1нуби дуч1уси.

Чула лексический мяг1нуби х1ясибли, дарсдик1ути формаби х1ясибли, чули предложениелизиб бузахъуси х1янчи х1ясибли, лерил дугъби гъайла бут1ни бик1ути къукъяначи дурт1ули сари. Дарган мезлизир 10 гъайла бут1а лерти сари. Илди дурт1ули сари к1ел къукъяличи: бек1ти ва къулукуъла.

Бек1ти гъайла бут1ни сари: существительное, прилагательное, числительное, местоимение, глагол, наречие.

Къулукуъла гъайла бут1ни сари: союз, послелог, кесек.

Междометие я бек1ти, я къулукуъла гъайла бут1нази кабурхули ах1ен. Илини гъайик1усила гъанх1едушили урк1ила дек1ар - дек1арти х1ялани иргъахъу. Междометие предложениела членни х1ебирар.

Х1янчи 1. Белч1еная. Къулукуъла гъайла бут1ни дек1ардарая.

Адамлис г1ях1си ва чебях1си диубли дигахъес г1яг1нибиркур. (И.Гете)

Адам баркъагарли дец1лизив х1ерик1ес алк1уси ах1енну, чебях1си ва зурбаси баркъудилизив узесли алк1уси сай. (Л.Альберти)

Гъарли – марси адамли виэс ибси ах1енси адамла царх1ил мурад биэс х1ебирар. (Л.Шефер)

Ванзаличирти жагати ибти лерилра сек1ал берх1или ак1ахъубти сари ва лерилра г1ях1ти ибти – адамли. (М.Пришвин)

Г1ямру гъирачебси х1янчиличирли миц1ирти ва жагати дирар, г1ямру – мах ах1енну, дуклumi, гъира ва разидеш сари, рахли чили – биалра илди махличи шурдатурли виалли, ил сек1айзив вег1цун вирар г1яйибла вег1. (В.В.Вересаев)

Рахли адамлис гъунарти сархес дигули виалли, илди илини мурт – дигара сарху ва г1яг1ниси мерличир дургу. Х1уни балулрив, гъунартас г1ямрулизиб мурт – дигара мер бирар. (М.Горький)

Г1ямрулизив вег1ла мер баргес багъандан селра х1ебарили виадли,
х1еризсра къяинни бирар. (Д.В.Веневитин)

Инсалтала лерилра дагъри сабурла ва заманала гъудурмай саби.
(О.Бальзак)

Бег1лара г1ядабси ва халаси бетакъ – ил замана бетакъакъни саби.
(Ж.Бюффон)

Х1ед г1ямру дигахъулрив? Илх1ели замана бетмайхъакъид, сенах1енну
замана – сунезирад г1ямру дирсибси ч1янк1и саби. (Б.Франклин)

Г1ялимли, поэтли, ургъанни, диванчили ва царх1илли виъни г1ях1си
саби, амма илх1ели адамли х1ейъни дебали вайси саби. (В.Г.Белинский)

Сецад пергерсил адам, рахли ил гъарли – марси адам виалли! (Менандр)

Нура адамрагу ибси чебях1си пикрили мурталра х1улурх1ахъулра.
(В.А.Жуковский)

Х1янци 2. Текст саркъахъили белч1еная. Лерилра гъайла бут1ни дек1ар –
дек1арли делк1еная.

Шайт1ан

Шимила хъунул гъар сек1айчи дебали жявли рирхкаруси ва гъиррук1уси
адам сарри. Цагъачам илини муэрлизиб шайт1ан чебаиб. Къяцалагъуна
муц1урра дугъбуцили, гъезба берхъибси маймуннаван бухъяна къуйрукъра
г1ярчумагван ч1ярхъли башахъули, хапли багъарбиубси ил, сунес лезми
чебиакъули, булхъули ва къулдумег1бик1ули, урх1мешуак1енти уюнта
биркъули, азбарлаб бахъх1и калун. Ил къалли буэс сунела ухънадешличи
ва х1яна муц1урличи х1ерх1еили, Шимира шайт1ачил варх, гъарил шиш –
къишлизив абзикибсиван, т1ашбизниагарли думях1ли виркъулри ва замана –
замана сунес мег1 – п1уп1идирулри. Илдала ургаб, къап1ила турбаван
къуйрукъра лаг бях1 дугъбуцили, чула хя лебг1еб х1унзралабиублири! Гъанк1
къяббиубси хъунул русаэс х1ерирули рахъх1и калун. Ахирра илини,
гъандуцес х1ериубли, мурул велх1ехъун ва, урк1си т1амара челис – че
г1яшбирули сунела муэрличила буриб.

-Агъ, къудратла вeг1, г1ях1дешлисалра биалри нуни чебаибси ил муэр!.....
-Э – э – эгъ ... башехъенгу, муэрлизиб чех1ебиуси, гъала сах1ейуси селра
лебси ах1ен! – иб гъанк1ла асарлиув левалси Шимини (Х.Авшалумов)

Х1янчи 3. Ишди дугъби чиди гъайла бут1ализи кадурхутил бурая.

Мях1ячкъала, Х1ясан, Волга, камси, ц1уба, цак1си, г1ямултар, дарган,
к1идарш, авц1али, к1ел азир, Ахъуша, Цураг1и, вец1 – вец1ал, чиди – саял,
пулан, гъарил, илкъяйда, илзамана, цабарх1и, арзиб, лявкъули сай, калунра,
калхъес, лявкъули, вак1или, вякьи, удиб, чедиб, гъалаб, г1елаб, эргъи, алав,
сенк1ун, амма, х1ятта, гъат1и. белики, баркалла, ассаламу г1ялайкум,
гъамаддирая, ч1ив – ч1ив.

Х1янчи 4. Гъар гъайла бут1алис шел дев пикридали делк1еная.

Существительное

Прилагательное

Числительное

Местоимение

Глагол

Наречие

Послелогуни

Союзуни

Кесекуни

Междометие

Х1янчи 5. Урдатурти х1урпри кадалтули назму чербелк1еная.

Дявтазиб ветахъибси

Ах1ерси узичила

Назму белк1ун.... нуни

Жагъти дусмазиб дила.

3. Даргала уршили....

Ванали х1ерик1ули,

Ц1ац1абариб дила някъ,

«Х1ед х1ялалдиъ» - вик1ули.

Хира редакторличи

4. Ахъли уч1ес вех1ихъиб

Даргала газетала:

Белчлен.... дила назму

Халаси узичила.

Глур хлелили убклу....,

Гляхлям бучлухлели

Гляшли шиплириклули.

(Газим – Бег Бяхляндов)

Хлянчи 6. Хляз «Пикридарес дугьби хлурпразирад».

ш, и, пл, р, кл, л, а.

Хлянчи 7. Ишди дугьбазирад предложениеби цаладяхья.

Бархлехъла, замана, кьанси, цагъачам, Гляхлмал, шантала, кьукьялис, кьаршиикиб.

Унрала, хапли, иличи, гляйнибад, мар – марли, диъла, буцлуси, чехиб, бизиси, тлем.

Зурабли, ил бархли, савли, хлебуриб, чесабиъниличила, рурсилизи, байрам.

Замана, глергьиси, биалли, ургарти, хъалибаргла, аклуб, барсдеш, гъанагарси, бархбасуназиб.

Мурул – хьунул, цалис, ца, жагъти, хлербирулри, ахлерли, ва уржили, дигули.

Существительное.

Сунени секлал иргъахъуси, чи? се? ибти суалтала цалис жаваб лугуси гъайла бутлалис существительное биклар.

Чула мяглна хлясибли дарган мезла существительноеби дуртлар клел жураличи: хасти ва тлентлти.

Хасти существительноеби дуртлар лерилра адамтала, шимала-шагьуртала, мер-мусала, газетаби-журналтала, жузанала, улкнала, хлурклбала, дубуртала уми. Масала: Англия, Каспи урхъу, Волга, Казбек, Мусаев Камил Мусаевич, «Дагьправда» баклиб, журнал «Литературный Дагьистан» ва ц.

Белк1лизир хасти существительноеби халаси х1ярпличил лук1ути сари. Газетабала, журналтала, жузала ва илдигъунти царх1илтала уми кавычкабази дурцути сари.

Сари-ургар мешути сек1ултала гъарилличи балбиркуси существительноелис т1инт1си существительное бик1ар. Масала: адам, х1яйван, урчи, къакъа, урхъу ва ц.

Т1инт1си существительноеби лук1ути сари бишт1аси х1ярпличил.

Дарган мезла существительноеела х1ябал жинс лер: мурул жинс, хъунул жинс, урга жинс.

Дарган мезлизиб существительноеела жинс белгибируси саби сунела мяг1нализибад.

Мурул жинсла существительноеби сари мурул адамтала уми, илкъяйда, чузиб мурул жинсла г1яламат **в** лебти адамтала къаркъа бут1ни чедиахъути дугъбира. Мурул жинсла существительноечи сай чебуцес виар, масала: Г1яли сай, урши сай, узикъар сай; вях1, вай, варг; израг1ил, малайк ва ц.

Хъунул жинсла существительноеби сари хъунул адамтала уми, илкъяйда, чузиб хъунул жинсла г1яламат **р** лебти, хъунул адамла къаркъа бут1ни чедиахъути дугъбира. Хъунул жинсла существительноечи сари чебуцес виар, масала: Салимат сари, рурси сари, издаг сари; рях1, рай, рарг.

Урга жинсла существительноеби сари мурул-хъунул жинсла ах1енти уми, илкъяйда, чузиб урга жинсла г1яламат **б** лебти, урга жинсла абзур сек1а бут1ни чедиахъути дугъбира. Масала: унц, хя, къаркъа, аждагъа, бай, барг. Амма дарган мезлизир существительноеби лер, предложениелизир сари селизи дархдасил х1еръили, дек1ар-дек1арти жинсаназир дашути: адам, дурх1я, ятим, игит, агроном, завмаг, складчи ва ц.

Дарган мезла имц1атигъунти существительноеби къадар х1ясибли цалихъ ва дахълихълизир дашар. Масала: галга-галгуби, къап1а-къап1ни, бец1-буц1и ва ц.

Амма гъарил существительноеела цалихълара дахълихълара формаби агара.

Существительноеби лер цалихъла формализир мурталра цалихълисцун дузахъути: дунъя, зак, къукъу, Бац, Берх1и, яни, аргъ, Дурши ва ц.

Существительноеби лер цалихъла формализир мурталра дахълихълисцун дузахъути: г1ямру, жан, балча, далга, х1еб, дуц1рум ва ц.

Существительноела дахълихъуни детарути сари форма бирути суффиксунала кумекличил.

Дарган мезла существительноеби **падежуни** х1ясиблира дарсдик1ар. Дарган мезлизир **вещ1ну цара** падеж лер. Илдазирад **7** общий падеж сари, **4** мер падеж сари. Гъар падежла ца белгиси суайс жаваб луга.

Общий падежуни.

Уйхъу п.	чи? се?	Муса, барда.
Актив п.	чили? сели?	Мусани, бардали.
Хас п.	чила? села?	Мусала, бардала.
Лугу п.	чис? селис?	Мусас, бардалис.
Барх п.	чичил? селичил?	Мусачил, бардаличил.
Гъалабигъ п.	чичила? селичила?	Мусачила, бардаличила.
Сабаб п.	чичибли? селичибли?	Мусачибли, бардаличибли.

Мер падежуни.

Гъам п.	чичи? селичи?	Мусачи, бардаличи.
Бях1чибиз п.	чичибях1? селичибях1?	Мусачибях1, бардаличибях1.
Паргъатдешла п.	чичиб? селичиб?	Мусачиб, бардаличиб?
Дек1арбикла п.	чичибад? селичибад?	Мусачибад, бардаличибад.

Существительноела х1ябал склонение лер. Чула актив падежла ахир **-ни** биубти существительноеби 1 скл. сари, масала: Г1ялини, Зубайруни, унрани.

Ишара: Ик1ад дурадулхъан ишди т1инт1и уми: рурси, урши, ялчи, дурх1я, мурда, уста. Ишдала актив падежла ахир **-ли** саби: рурси – рурсили, ялчи – ялчили, дурх1я – дурх1яли, уста – устали, мурда-мурдали.

К1иибил склонениела сари чула актив падежла ахир **-й** биубти существительноеби. Масала: ч1ич1ай, икъай, х1уй ва ц.

Х1ябъибил склоненияла сари чула актив падежла ахир –ли биубти существительноеби. Масала: эмх1е – эмх1ели, хя – хяли, Шамай – Шамайли, далай – далайли ва ц.

Х1янчи 1. Г1ергъити существительноеби черделк1еная, чула чеди чиди жинсла сарилра белк1и (м. ж.; хъ. ж.; у.ж.)

Уста, къариган, бук1ун, Марзият, гелешмеш, уртахъ, ашна, вачрукъя, манкъуш, кулеха, х1ерк1, ч1ич1ала, гъудгъуди, дарган, губдалан, дяхънуша, Мисай, рузи, Х1ямзат, Къурбанисмяг1ил, рух1, г1ярчумаг, лагъ, ряг1ят, зулмукар, Хамис, Т1айгибат, Ярах1мад, ябу, т1ай, Узлижат, Унайзат, Шумайх1янат.

Х1янчи 2. Гъарил существительное чиди жинсла сабил бурая. Цалихълара дахълихълара формаби к1ел тахтализи делк1еная.

Дулек1, жура, кани, жанивар, г1якълу, уста, неш, х1янчи, адам, мургъи, хала, х1яйван, х1яз, багъуди, къям, лац, рухъна, бяжук, Муса, вава, х1яка, замана, тухтур, разидеш, масхара, чакар.

Х1янчи 3. Ишди существительноеби, адамтала ва сек1ултала уми х1ясибли, дек1ар-дек1арти къукънази черделк1еная.

Бут1акъянчи, гитара, гъабза, имам, игит, мискин, хъубзар, зак, хъисхъа, дугелибуг, заб, инсан, гъай, гъалмагъ, хияр, холодильник, хурег, хъу, хъундахъ, хъутухъ, х1яйван, х1ярх1я, цула, ц1ук, ц1уръа, чабдиг (беркала), чедимухъ (шихъабихъян), чедиругер (къар), гъавкъя, зулмукар, бяжук.

Х1янчи 4. Дахълихъла форма алк1ух1ели, сегъунти т1амри яргадик1ули? Илдала таблица барая. Х1ушала жавабти мисалтачил мардарая.

Х1янчи 5. Текст белк1еная, илизирти существительноебала къадурти белгидарая.

Гъудурти вац1урбала областълизиб яни дебели дек1ар къяркъси х1ебирар. Дуц1рум тайгализиричир ванати ва имц1али духъянаби дирар. Гъудурси вац1ала тайгалагъуна хумарси куц х1ебирар. Ил дебели къугъали бирар, х1еб к1ап1рар галгуби шаласи шинишдешли к1ап1дарибх1ели. Берх1ила нурли г1ячихъли шалабарибси вац1а шиниша вавнала хала къяйда кабилзан. Ц1уба арла бег1 махъ, халати мякъар зурба миг, рурх1ути к1ап1раличилси п1ялп1ялаг, барх1и ахъси, зурх1яси гяг1ла бег1, к1али берхъибси хур бурбунар галгубала ургар гъудурли духъар. Баягъи илар духъар сирмугла т1инт1кадиубти къадуби, ахъси шала-шиниша папоротник.

Гъудурси ва к1ап1рар вац1а х1еб ва дуц1рум ах1ен жагаси. Ил жагали бирар дерубти г1ебшнилизибра. Вац1а жагабарили бирар гургби бик1ути ц1едешла шала-х1унт1ена чубкана.

1. Текст саркъахъили белч1еная.
2. Царка предложениела синтаксический разбор барая: Берх1ила нурли г1ячихъли шалабарибси вац1а шиниша вавнала хала къяйда кабилзан.
3. Урус мезлизирад г1ерасибти дугъби черделк1еная ва илдачил предложениеби пикридарая.

Х1янчи 6. Хасти ва т1инт1ти существительноеби дек1ардарили чедаахъая.

1. Чиркейла шила мякълаб Сулахъ х1ерк1личиб Северный Кавказлизиб бег1лара халаси ц1акъла ГЭС бирули саби.
2. Ил дугиличила гъанбушалри Гебек Г1ялисулт1айс г1ях1си ветарусири.
3. Ражаб ва Къурбан адиялла г1ела г1ямзила кабииб, Муса, Муъминат, Расул ва царх1илти бишт1ати биалли адиялла гъала, ч1ябарличи.
4. Къурба рузи Иза сунечир дусра-сера ришт1асири.
5. Лебил дунъяли аргъиб черях1ти, г1ядатла дугъби: Москвали душман дянгаиб, Россия берцахъиб.
6. Ц1ябси дуги биалра, х1ереливан хъярхъли вашули, Г1ях1мад хъайг1и арякъун. (Г1.Р.)

7. Бопре сунела ватланнизив даллак сайсири, глур Пруссиялизив солдат ветаур, илала глергьи учитель ветаэс Россиялизи ваклибсири, ил гъайла мяглна сунени илцад-деклар гляхил иргъхлергъалра. (А.С.Пушкин)

Х1янчи 7. «Мургъила глебшни» биклуси сочинение белкленая. Илизир пайдаладарая къадар хлясибли дарсхледиклуги существительноеби.

Х1янчи 8. Существительноеби черделкленая, чула тлалабдирути суалтира кадалтули. Илди сегъунти падежунар сарил белгибарая.

Москва.

Чемъурси, ванаси бархли сабри. Самолет Москвала чебкад урцули саби. Чумал даршал метрла ахъли арцурси самолетличибад лебил тахшагъар гъачамли чебаэс нушаб къиянни саби. Дахъдахъалгу илизирти къакъурби, майдунти, заводуни ва шиништи паркани!

Дебали халаси саби нушала тахшагъар! Ил даршани квадратный километртачи тлентлибиубли саби. Рахли хлушаб чебуркъалри Москвала хлябал азирцад къакъаларад хьурали дукъес, ца базличирра имцлали дашес чевкъи. Лерил илди къакъурбала ца къяй баралри Ленинградличирад Цлудара урхъуличи бикайчи мер бурци. Рахли хлуша хьулдиадалли бегла къантлси гьуникад Москвала ца дубларад итил дубла хьурали дукъес багъандан, хлушаб шел сяглыт дашес чевхьи.

Москвализиб чумал миллион адам хлербирули саби. Илизиб чебаэс вирагъар миллатла, гъар глямрула, гъар хлянчила адамти. Москвализиб школьникуницун даршани азиртачибра имцлали саби.

Москва – нушала Ватла уркли саби. (П. Лопатин)

1. Текст саркъахъили белчленая.
2. Существительноеби черделкленая цалихълизирра ва дахълихълизирра.
3. Девла фонетический разбор барая: миллион
4. Части дугъби черделкленая.
5. Бегла глелабси предложениела синтаксический разбор барая.

Х1янчи 9. Ишди суффиксуни имц1адарили сагати дугъби пикридарая.

-деш: адамдеш, бек1деш, ...

-би: х1урк1би, някъби, ...

-рби: дазурби, къуюрби, ...

-ти: адапти, х1яйванти, ...

-ани: курсани, арцани, ...

-ми: хъуми, хъими, ...

-ри, ури: бузри, хури, ...

-и: унци, буц1и, ...

-дури: гъундури, ...

-хъали: Г1ямархъали, Хадижатхъали, ...

-ала: изала, зигаръала, ...

-ула: х1енкъула, канаула, ...

-къя: гъункъя, вархкъя. ...

Х1янчи 10. Скобкабазирад г1яг1нити дугъби касили, мяг1на лебти дугъбала цах1набяхъуни дарая.

Журнал, г1ях1ти («Гъалмагъдеш», гъалмагъдеш).

Чебях1си, колхоз («Чедибдеш», чедибдеш).

Дунъяла ца шали, гъавала гами («Восток», восток).

Телевизор, дуц1ла («Рекорд», рекорд).

Хабардерхурси мер, туken («Г1яякъакъа», г1яякъакъа).

Х1янчи 11. Далдиркути дугъби дек1ардарили кадатурли, дугъбала цалабикуни дарая.

Урчи, унц, учитель, къалам, анхъ, зурх1яб, жаваб, хъаба, чакма, миг, митинг, зулмукар, хъунул, имам, чарх, къараул, къиргъу, вагон, ваза, манкъуш, моряк.

Х1янчи 12. Ишди существительноебачи *сай, сари, саби* ибти дугъби чедуца.

Университет, школа, студент, Хамис, жуз, блокнот, неш, дудеш, рузи, рузикъар, узикъар, хала дудеш, адай, рурси, юлдаш, гьалмагъ, дарман, шагъар, шифоньер, руд.

Х1янчи 13. Дахълихъла форма барес х1ейрути существительноеби черделк1еная.

Аллагъ, ахират, хъу, гъуни, муза, север, унза, мирш, дураз, бузери, буц1ардеш, жагъаннаб, башри, багъуди, гъум, заб, г1ямру, Хадижат, балча, далга, Улах1яри, курега, хъара, къукъу, Бац, Берх1и, яни, аргъ, гъанк1, шутри, дук1ари, дуц1ари, къугъни, дяг1и, дагъри.

Х1янчи 14 Точкабала мерла дахълихъла суффиксуни имц1адарили чеббелк1еная. Багъираби саркъахъили делч1еная ва илдала мяг1на бурая.

Заклизир гъагул... агарли заб х1едирар, урк1илизиб дец1 агарли х1ул... дисх1едисар.

Г1яшличи абазс х1ебиубси жита, ну дуббуцилра бик1уси саби.

Лезмила къяш... х1едирар, амма г1еркъаси гъу... ихъу.

Ца х1уйзи занзи къузбаралли, итил х1уйзирад нургъ... дурадиркур.

Ихтилат-гъибандили гъуни къант1биру.

Дигайла х1ул... сукъурти дирар.

Берх1ила к1ел х1у... дирар.

Мех1ур хабуртала къяш... г1еркъати дирар.

Малаик... дак1убухъунх1ели, шайт1ун... детихъути сари.

Гечликъяна... г1ярабунани шинна гъуни г1ях1ил бала.

Улхъес балх1ебалуси, дила къяш... далк1ти сари вик1ар.

Дигайла насих1ят... х1ебирар.

Лезми-урк1ила тилмаж саби.

Адамла дугъ... -илала г1якълула базман... сари.

Аллагъли уз... ак1ахъуб, бетаахъур, амма гъарилис дек1ар-дек1арти мамужникуни чедаахъиб.

Х1янчи 15. Х1ушани далути шагъуртала ва шимала уми делк1еная.

Х1янчи 16. Существительноеби даргая. Илди чиди членни диублил бурая.

Гъапур комбинатла азбарлизи ац1иб. Азбарла балуй шайчиб барибси бурхлиуб чятли бясунси ц1уба «Волга» т1ашлири. Ил директорла машина сабри. Директор даг районна х1якимтани т1алабварибсири. Дуги заб дирух1ели ил чариубли урги....

Комбинатла ахъти унза къяли-къяйчи гъарглири. Гъаргти унзалабад к1иибил дерх1личи аркъуси урцулла ганзи чебиулри. К1иибил дерх1личир сарри директорла ва цеханала заведующийтала кабинетуни, някъиш дирантала, чеди лук1антала ва минала х1янчи бузахъантала цехани..

Гъапур сунела бишт1аси авмузси кабинетлизи ац1иб, уктемли ветсадухъун...

Востокла шайчиб бишт1аси авмузси улкъай сабри – ил комбинатла коридорличи х1ербик1улри. Илад сабри Гъапурли устнас х1янчи бедлугуси. Кабинетлизир луцрачи пяхъяхахъили дарибти ва гъачамлис някъишдарес лералти подстаканникуни, рюмкаби, кулухми сарри. (Мях1ямад-Расул).

Х1янчи 17. Текст саркъахъили белч1еная. Существительноеби черделк1еная.

Хизрира Умалатра харили гъайбик1ули батбихъилри:

- Ишбарх1и пьесализир х1уни тјамадали ах1ил дарри!- вик1улри Умалат.
- Сценаличирван ах1и х1ела мекъличир гъат1ира г1ях1ил дирис!- пишяхъиб Хизри.
- Дила вик1улрив? Юх, гъала-гъала х1ела мекъличив...
- Дила мекъличив ну секъяйда тјамада вирусира? Илк1ун дукелц1ила сек1ал саби.
- Вайсив, гъат1и, шанти дукарк1алли.
- Ил назму яра далай белк1ес г1ях1си пикри саби.

- Ну гъачамлис мекъ барес гъалакли ах1енра ... - пикри-пикриухъи иб Умалатли. Илис валликъянази сунела урк1и бурес дигусиригу, амма виъх1ейуб. Ритачила сайри ил пикриик1уси.

- Наб биалли, Умалат, хъайчи кайэс дигулра!- иб урк1и гъаргли Хизрини.

- Ца х1езицун саби нуни урк1и буруси, Умалат: дигай дихъилра нуни. Къакъалира сайра ну гъанна, харилира ... шишимъала дахъдиуб.

- Ашураличи вик1уси х1ейиши х1у?

-Ах1енра

- Нуни ралусив ил?

-Ах1ен.

- Лебил шантани ах1ил ралуси сари ил.

- Ну сен шакх1еркусира, чи сарил ил?

- Нушала дубуртазиб чила леба илалагъуна т1ама? Булбул чат1алаван? Амма булбул чат1а бишт1аси арцан саби, ил буч1ни далай ах1енгу!

-Насибав?

-Г1е. Ца иличилацун сайра ну даим шишимик1уси, ца илала т1амацун саби наб г1ебг1ебаруси... - Хизрини г1яш - г1яшли далайиб:

Ну хабарра х1ерили,

Сен х1у шалг1еррулхъада?

Х1улби-мага ц1ябдилив,

Мучлах1ерес илщада?

Дях1имц1алала гъалар

Х1уник1ун чурми лусад

Урк1и къакъали саби

Шукъдила къакъа къяйда.

Х1уни бирул се саби?

Гъай агара, сепайда

Ах1енри х1у мезагар,

Х1уник1ун далай буч1ад.

Ишцад иш ну левли чех1еэс бирару! Балули ах1енра, се бирусирал илизи набчи пикри бях1чаахъес?!- иб Хизрини.

- Х1ук1ун поэт сайри, ца далай илис багъишлабара.

- Дила пагъму биъх1ебиур. Х1ебалас дях1-дых1ли чевхъи ханжайличил цура кабушасли?... Илкъяйда вяг1далабиубли дек1арбикиб к1елра гьалмагъ. (Газетализибад)

Х1янчи 18. Урдартурти ахирти ва суффиксунира имц1адирули текст тетрадунази чеббелк1еная.

Карим... жузала ургаб спортла абзана... дякъунх1ели касибси сурат баргес х1ейуб, ва итил хъулиб биэс асубиар или арякъун. Ну бук1унала хя чебухънила анц1букъ... пикриик1улри. Гъавухъни селра ах1ен. хя къац1х1ебикахъес ну гъавухъи виасра халал ц1ах... ах1енри: нушак1ун г1улухъаби сарри. Амма наб тамашабизур ца сек1ал. Наб гъалав аркъуси Карим, хя наб... чесабаибх1ейс, п1ялп1ялагла галга... бех1личив вагъарвиуб. Дила ил пикри аргъибсиван, г1ела хъу... чариубси Каримли иб: «Итх1ели ну дебали урухиубра, галгаличи вебшира. Х1уни дурх1... буру или ну чумра барх1и уруз-урухли калунра. Х1у.. чизилра х1еири. Ил гъабза... хасият саби, Арслан. Илала г1ергъи ну х1е... гъат1ира ц1акъ... гъалмагъикира.» (Р.Адамадзиев)

Х1янчи 19. Ишди багъирабала мяг1на бурая.

Сабицун х1ебукан – саби агарли г1ямалагар.

Ванзаличи кадиркур, шинишли дурадиркур.

Х1еб бисур, яни далайбик1ар.

Урцул дедалли, миц1ирбируси, шин дедалли, бубк1уси.

Дунъяличив бег1лара муриси.

Дуги-х1ери башар, амма х1ебумсар.

Х1янчи 20. Удир гибти существительноеби падежунардая. Падежунала ахирти дек1ардая.

Мустапа, Г1иса, лачин, кьалтин, уста, шин, графин, хя, дурх1я.

Х1янчи 21. Предложениебазир существительноеби даргая. Суффиксуни чедаахъая.

Г1ях1мадла дудеш Мях1ямад къачнала х1енкьула вири. (Р.Г1.)

Илини халаси х1янчи бариб.

Пат1иматлара багъуди имц1абиахъес. (Р.Г1.)

Ишаб, удиб диркьличиб, ик1ат1иб музурбачиб муракъянаби бяхъили чебиур гъак1бик1ули. (Р.Г1.)

Чис дигалра душмандеш, агара нушала ляв. (Г1.И.)

Чис дигалра баришдеш, агара нушала дяв. (Г1.И.)

Собраниела лебил бут1акъянчибани някъби ахъдуциб.

Гъаргала ганзухъличи чейгуси мегъла г1яйсала т1ама аур.

Прилагательное.

Сунени сек1а лишан чебиахъуси ва сегъуна? чиди? сецад ибти суалтала цалис жаваб лугуси гъайла бут1алис прилагательное бик1ар. Масала: ц1уба дях1и, ахъси юрт, камси х1янчи ва ц.

Прилагательноеели сек1а лишан чебиахъни багъандан, имц1атигъунти х1яланазиб гъайлизиб ил существительноееличил барх башар ва илис определениели бирар. Масала: Ишбарх1и нуни *халаси* х1янчи барра. Предложениелизиб прилагательное сказуемоела бут1али, сказуемоели, существительноела мерлаб биубх1ели, подлежащиеели ва царх1илти члентили биублира башар, масала:

1) Нушала класслизиб буч1ути дурх1ни *бишт1ати саби.* (сказуемоела бут1а)

2) Набчив х1у *халасири.* (сказуемое)

3) Нушачиб *бишт1атира* халатира буч1ули саби. (подлежащее)

Абзлизиб *халатачибад* биштлати чедибикиб. (дополнение)

Илкъяйда цархилтира.

Чула мяглна хлясибли прилагательноеби хлябал журала сари:
качества, отношенияла ва цугбурцнила.

Качества прилагательноели секла качество (лишан) иргъахъу. Ил
качество биэс бирар имцлали яра камли

а) Иличи имцладарес вирар *дебали, лебглеб, беглара, бара – бара, камли, имцлали* ибти наречиеби чедуцес вирни.

б) Чузирад существительноеби дарес вирни, суффикс – **деш** чебатурли:
цлубдеш, буцлардеш ва ц.

в) Антонимти хлясибли жутани лерни: цлуба – цлудара, цлябси – шаласи, ва ц.

г) Таманси ва таманхленси жураби лерни: жагаси – жагал, мехлурси – мехлур ва ц.

Отношенияла прилагательноели чебиахъу:

а) Секла куц, кабиз хлясибли лишан: хлябмузан кагъар.

б) Секлайчи имцлали хасли биубил, цархилтазибад ил глячихъли
декларбулхъахъуси лишан: занзбар галгуби, дубуртар улка, цулбар рас ва ц.

в) Секла сорт, жура: сурмай тлутли, авхазан курега, жанай вава вац.

г) Къаркъа бирклан баянбируси дев: балуй някъ, бай хъат, алгъай шали
ва ц.

гъ) Аклубти ва хлерирути мер – муса хлясибси яра миллат хлясибси
лишан: губдалан рурси, чурлан чугур, дарган урши.

Отношениела прилагательноебала качества прилагательноебачи
хасти суффиксуни (-си,-а,-я,-л) хледирар. Ил багъандан илди
существительноебачира гъамли сари. Качества прилагательноебачиван,
илдачи *дебали, лебглеб, бара* ибтигъунти дугъби чедуцес хлейрар.

Цугбурцнила прилагательноели ца секлал цархил секлайчил
цугбуруцу, масала:

Эмхлецад бецл чебаира.(бецл эмхлеличил цугбуцили саби)

Ях1ъягъуна адам чеира ишбарх1и нуни. (чеибси адам Ях1ъяличил цугурцули сай)

Цугбурцнила прилагательное бетарули саби – **гъуна**, - **цад** ибти суффиксуначил.

Х1янчи 1. Предложениеби делч1еная, чузирти прилагательноеби тетрадунази черделк1еная ва чидни прилагательноеби сарил дурая.

1. Дяк1ичиб цунси галга дуг1бани даим бирхъу.
2. Ниъли х1ебелкъун къача бишт1аси бирар.
3. Бишт1атачила дишт1ати къайгъни, халатачила – халати.
4. Дях1ц1илиур къар х1едашар, вайси мерлав адам х1евъар.
5. Х1ябцти урцул къанни улкан.
6. Бех1бихъудгъуна ахирра бирар.
7. Урк1и гъаргси адам аязси закгъуна вирар.
8. Ц1уба урчира гъунила дублаб хъура х1ердарес къиянни бирар.
9. Карила х1ял карила рег1ли г1ях1ил бала.
10. Гушси къац1лиг1ив къяйц1ик1ар, велкъунси – ухъалиг1ив.
11. Бацси някъ хялира сунт1х1ебиру.
12. Ч1ич1а агъули гъачам убк1ахъу, инса агъули – верх1на.
13. Нешла давла – дурх1ни саби.
14. Мучицад вайбаркъ къарт1аэс х1ейадли, дубурацад къарт1ииб.

(Дучибси Г1яйша Къурбанова)

Х1янчи 2. Ишди прилагательноеби дак1ахъили, предложениеби делк1еная.

Ц1акъси, ц1уба, жагаси, ухъна, халаси, чуллан, дурала, балуй, уркухъан, Ях1ъягъуна, мургъигъуна, буг1яр, делсун, мурхъ.

Х1янчи 3. Хабар белч1еная, прилагательноеби черделк1еная, илди чиди прилагательноеби сарил белгидарая.

Мик1х1ила ши.

Дубурлан исбагъи хъунул адамла г1янт1ик1а някъ ц1уб арцла буслус кулехаливан, Мик1х1ила ши цаличир ца ахъти ва дугати, цаличир ца къуймурти ва кег1ебти, цаличир ца вава – къарли варакъдарибти, канарайван аваданни ч1икъдит1унти, г1яшулван ч1умати, цацадех1ти урунжанани вахдатурти Хъарургубала, Урек1ила, Ургабла, Х1екъала, Тилбайла, К1ибурх1ила, Т1ярхъубала, Г1еладубла, Лявхъала, Шамха дубуртани сегъуналра къябберд агарли, рахажлизирти мямниван гъайбатли, цали ца ц1ац1али дуцили зуздит1ахъунтиван сахъли къарауйчи кайзурти чула къялшубази буцили, нанах1уливан, тяп алав белшунси баруливан, Аллагъли гибси т1абиг1ятли мях1камбирули саби, дубуртала авидли сахъладибирули саби. Илди ши - алавти дубурти Мик1х1ила шилис къарауйчирван сахъли т1ашли сари. Илди хабарла дубурти Мик1х1ила шиличи мурталра карц1итиван, х1ясраттиван х1ердик1ули сари.

Мик1х1и – жяв заманала халаси ва машгъурси ши саби. Дурала гъармукабала т1ашагартти чябхъинтазибад ши ва шила халкъ хъарх1ерагарли бих1ес багъандан, бяхълис бяхъ бедлугес багъандан, ц1акъ бучес багъандан алавти махъурбира цаладикили нушала заманала 5 – 4 даршдусмазиб гъаннала Мик1х1ила шилис хъулчи кабихъибсири. Чябхъинти шилизи дух1нах1ейхъахъес ши - алав ахъси, бяг1уси, битавси, ч1умаси къала барибсири. Шилизи ух1найхъусира ч1янк1ли къапулизивад сайри. Шилизи ух1наверхес ч1янк1ли к1идех1 къапу сарри лерти: северла шайчир шилизи ух1найхъути, югла шайчир шилизивад дуракалхъути. К1елра къапула мякълар к1идерх1ла юртла ахъдешличил ярагълабарибти къараулти кабалтес хъулри лертири.

Шиличи чябхъинчи чебулхъалри, къараултани шантази балахъулри ва чябхъинтас ч1умаси бяхъ чейгахъусири. (М.Тахсурманов)

Х1янчи 4. Ишди прилагательноеби чули баяндирути существительноебачил дарх черделк1еная. Прилагательноебала жураби белгидарая.

Х1унт1ена, ц1уба, г1ямултар, хъунц1бар, г1якълукар, к1ап1рар, сирх1ян, дарган, мик1х1ен, халаси, балк1а, вархъа, гъалавси, гъарзаси, ахъси, авхазан, занзбар, сурмай, цулбар, дубуртар, мех1ур, бялхъя, къапгъуна, чаргас.

Х1янчи 5. Пикридарая ва делк1еная к1ик1ел х1ясибли прилагательноеби чули баяндирути существительноебачил дарх.

чула суффикс – си сабти:

чула суффикс – я сабти:

чула суффикс – ан сабти:

чула суффикс – ян сабти:

чула суффикс – ен сабти:

чула суффикс – кан сабти:

чула суффикс – лан сабти:

чула суффикс – чевси сабти:

чула суффикс – ар сабти:

чула суффикс – кар сабти:

чула суффикс – а сабти:

чула суффикс – гъуна сабти.

Х1янчи 6. Ишди дугъбала цалабахъуни цалихълизир ва дахълихълизир делк1еная.

- 1) халаси юрт- .
- 2) итил урши -.
- 3) царх1ил пикри -.
- 4) бухъут1а кагъар -.
- 5) балк1а хя-.

- 6) бархъа пикри -.
- 7) вархъа урши -.
- 8) рархъа рурси -.
- 9) гъалавси урши -.
- 10) кьиркьирси адам -.
- 11) бялхъа урчи -.
- 12) дарган мез-.

Х1янчи 7. Ишди прилагательноеби цалихълизир падежунардая.
Хъанц1а, кьерх1е, бялхъа, уркухъан, дурала.

Х1янчи 8. Иш назмулизир прилагательноеби чедаахъа.

Бук1майли бук1ул к1аон
 Ахъ х1урхъази рухили,
 Ассалира г1язиз жан,
 Я урк1ец1и ах1дулхъан
 Х1у адикъур адаши.
 Дурх1я мирхъе шалион
 Муръили дихъиб дигай
 Дила кьуткьудякъибну
 Г1ени шулкъла къадаон,
 Хвала х1алк1ли гъигъяон
 Хъанц урхъва лут1илиур
 Дац1алра зела къякъон,
 Я язихъ ах1дикъусра
 Х1у дякъид х1ула аба,
 Вец1ну шурайла бацон
 Шалали духъун карц1и,
 Дила ц1удар дяк1ибну
 Ц1игъа шангла лут1ион. (Г1.Батирай)

Х1янчи 9. Удир гибти предложениебазир таманах1енти прилагательноеби чедаахъая.

1)Ахъанай ахъ дубуртар, шараб шинна г1инзурбар, дила дигул Дагъистан. (М.М.)

2)Хайдакъла хан унхъразир ляжи х1инт1ин багъла хъяр.

3)Эй, хъар вац1айла хъанц1 бец1, х1ела авалра къяш дург1. Хъяб хъанц1а ц1уб мукъарла деркунри чакар урк1и. (Г1.Батирай)

4)Ахъ шурла лусентиван техникализиб ахъси, лут1иагар урхъуван яшавлизив гъарзаси.(Багъатирла Г1ялибейг)

5)Вавни дахъси ахъ дубир чубки мургъе мукъара. (Х. д.)

Х1янчи 10. Чеббелк1еная. Прилагательноебала уди тугъи каая. Илди сегъунти гъайла бут1нала хъулчиличир детаурлир бурая.

Ак1убсири Газим–Бег дуразли хъуц1ари балк1ахъунси, курали ва къялкъяли хъат някъби къатавта диц1ахъибси хъубзура Къара–Бях1яндла хъалибарглизив. Мик1х1ила халаси шила хъар дубличибси, сай вик1уливан, къаплагъуна Г1яйсала къякъ бик1уси бишт1ази махъилизив. Бех1бихъудла школа илини белч1унсири унраличибси Тарлан къякъ бик1уси махъилизиб. Школа биалли таманбарибсири махъилавад ца урчила дуц1лацад, гъуйчи гъар барх1и къяшлизи къяш бирхъули вашули. Ил гъуни Газим–Бегли барх1или авна ихъусири: савли школализи, х1ерейэс хъайг1и вашули, барх1ехъличил биалли районнизибад почта хибх1ейс сагадан шилизи кайусири.

1959 – ибил дуслизиб Мик1х1ила школа таманбарили г1ергъи, Газим – Бег 1962 – ибил дуслизив Москвализи Горькийла училилси институтлизи керхайчи жура– журала ялчила х1янчи дирули узули калун.(М.Г1исаев)

Х1янчи 11. Ишди аслубазирад таманти прилагательноеби дарая ва предложениеби пикридарая.

Г1ях1, вай, буг1яр, бац1, хъанц1, ц1яб, ахъ, мурхъ, жав, буц1ар, бишт1а, халал.

Хъянчи 12. Ишди существительноебазирад прилагательноеби дарая ва чузир илди дак1ахъили предложениеби пикридарая.

Майдан, сусул, т1й, урчи, газа, къял, ц1акъ, чакар, вай, Х1урхъи.

Х1янчи 13. Текст ва предложениеби делч1еная, прилагательноеби даргая, илдала жинс, къадар ва илди предложениела чидни члентили диублил белгидарая.

Чвахуни – дубуртала жагъдеш.

Чвахуни – дарган мезли чях1иби ибси саби. Дубуртар Дагъиста табиг1ятла жагати памятникуни, адамтала пикруми чучи дит1ик1ути жагадешуни, тикрардарес х1ейэсти ва чучирли сари ак1убти къугъати някъишуначилти сари илди.

Чях1иби – даим дузути зах1матчиби сари. Къаркъубачи кайгути шинна к1унт1рани чучил дарх се – дигара ардиху, амма дишт1ати, х1улбанилра г1ячихъли чех1едиути, кадиркути к1унтри дахъал сари ва илдазибад гъарил к1ант1 миллионти дусмазиб бишт1аси къякъ къяйдали къаркъализи къут1бик1ули саби. Т1амали биркъули кабухъи саби халаси варачан, хъусдирхъули сари къаркъуби, цализи ца игути илди дялчан, дугати бях1яначилти къаркъала бут1ни детарар, гъум цаладирхъу, илди ч1умадирахъу, къаркъаван ч1умабиубси лут1илизи чейгули, шакъуби детарахъу. Х1ерк1ла къярдла географияла кабизлизибад дигахъуси саби чях1ила ахъдеш, нушала дубуртазиб биалли шел метрличибад 200 метрличи бикайчи ва гъат1ира ахъли бирар.

Шин дахъдаибси манзиллизир чях1иби урехилати сари, адам урк1ухъести т1ама – гъама ахъдирар, х1ерк1ли галгуби ва къаркъуби дурайсу,

хъусдирхъу, х1ерк1ла ц1акъ зурбаси бетарар. Амма илди янилизир дебели жагати чедиур: миълизир жагати някъиш, чеди миъ арт1ибти журуга къаркъуби, къаркъубачир ва галгубачир дях1ила пусли. Шин кадиркути мераначиркад сурдухъунти, удир илдас гъунидиутиван конусла журала миъла т1улри ахъдик1ули сари, илдачиркад шинна к1унт1ри кадиркур, илх1ели илди азирти дишт1ати к1унт1рачи пашихъур ва берх1ила нурла удир рурх1ар. (Ибрагъимхалил Мях1ямадов)

Текст саркъахъили белч1еная ва илала мяг1на бурая.

Текстлизир далдикибти ва далх1едикибти определениеби даргая, илди сели аргъахъилил баянбарая.

Иш девла фонетический разбор барая: миъла.

Прилагательноеби пайдаладирули «Дила дигуси ши» бик1уси сочинение белк1еная.

Х1янчи 14. Предложениебазир дек1ардарибти существительноебачи далдиркути прилагательноеби кадатирая.

..... дуги сабри музала т1ашси бях1лизибси ши лех1кахъилри. Гъалли чекабаибси къяйда г1яшли шиличи чекабихъунси зак лебил зубарта п1яц1кабарилри. Шила удиб къада х1яран ц1яблири.

Шила хъариб гъямбик1ули хяла бикъули саби. Г1имранхъала хъулри музала бег1ла хъарир, гъалли бях1личир сари. Къадала х1ербик1уси улкъай, хъуливад х1ерик1алли, ахъли зубразиб къяйда чебиули саби. Бай хъули кабизурси печь т1якъбик1ули ухулри.

Улкъайличи кабихъибси чирагъла шалалиур неш журабта лук1улри.

Гех1ел дус риубси рурси Кабират столличи кариили дурсра х1ядуррик1улри дурх1я Г1яли лебил_хъали убил – чебирули дуц1ик1улри.(С.Г1ябдуллаев)

Х1янчи 15. Таманти прилагательноебазирад таманах1енти прилагательноеби дарая ва илдачил дугъбала цалабикуни пикридарая.

Умуси, шаласи, г1ях1си, разиси, мех1урси, бугаси, зумаси, ахъси, халаси, г1яшси, бишт1аси, жагаси, ц1акъси, ч1умаси, ванаси.

Х1янчи 16. Прилагательноебас антонимти делк1еная ва илдачил предложениеби пикридарая.

Мурхъси, ахъси, пашманси, г1ях1си, ц1уба, ц1ябси, бялхъя, сахаватси, буг1ярси, жагъси, бяг1уси.

Х1янчи 17. Определение диубти существительноеби черделк1еная.

Лебри дубуртала ургабси ца къярдлизиб х1ерк1ла ц1убх1яр къаркъа. Хан гъунила дублаб илкъяйда кабизурли ил бахъбиублири. (С.Увайсов)

Сейк1усири гъари х1у дамцад ваахъили вях1ра х1ура.

Ях1ъягъуна адам чеира ишбарх1и нуни.

Лигаагар лезмира г1якълули саби бузахъуси

Берх1ила нур чех1ейгуси вава буръар, дигили г1ебх1ебуцибси пагъ бубк1ар.

Лезмила къяшми х1едирар, амма г1ехъаси гъуни ихъу.

Янкъиюртла заказник к1ел районнизиб саби: Къизиюртла ва Бабаюртла. (И.Мях1ямадов)

Къянала х1улби х1ердик1ути къакъ амч1урси гамушла къакъличи дирар.

Числительное.

Числительное или бик1ар дуйг1ути, дурт1ути сек1ултала къадар яра илдала гъаб-г1ергъидеш чебиахъуси гъайла бут1алис. Числительноели чум? сецад? чум-чум? чумбех1? чумъибил? чумэсил? ибти суалтала цалис жаваб луга. Масала: ца, даршал, к1ибех1, шуибил.

Числительноели баяндирути сари существительное яра местоимение. Ил багъандан, г1ядатли биули, предложениелизиб числительное существительноелис гъалаб башар. Масала: урч1емал баз, х1ябал узи, авалра нуша, к1елра саби.

Чула цаладикни х1ясибли числительноеби х1ябал журала сари:

1. Царка числительноеби;
2. Учидяхъ числительноеби;
3. Цаладыхъ числительноеби.

Царка числительное бик1ар сунезиб ца ах1и х1ячи агарси числительноелис, масала: ца, к1ел, гъал, даршал, азир, к1иибил, вец1ъибил.

Учибяхъ числительное бик1ар сунезир чумал х1ячи лерси числительноелис, масала: авц1али, шударш, вец1-вец1ал, к1идарш.

Цалабяхъ числительное бик1ар чумал числительноеелизибад цалабикибси числительноелис. Масала: даршлим вец1ал, вец1ну к1ира, азирлим даршлим вец1ну урегра, к1ел байхъала.

Мяг1на х1ясибли числительное х1ябал журала саби:

1. Къадар числительное;
2. Гъаб-г1ергъидешла числительное;
3. Дурт1у числительное.

1. Сек1ултала белгиси къадар яра абзурла бут1а чебиахъуси ва сунени чум? сецад? ибти суалтала цалис жаваб лугуси числительноелис къадар числительное бик1ар: ца, к1ел, х1ябал, даршал, азир; байхъала, х1ябал бут1ала к1ел бут1а; ца байхъала, х1ябал байхъала ва ц. Къадар числительноеби сари ишдигъунти числительноебира: к1елра, х1ябалра, ца-к1ел, к1ел-х1ябал.

2. Сунени дурт1ути, дут1ибти сек1ултала къадар чебиахъуси ва чум-чум? ибси суайс жаваб лугуси числительноелис дурт1у числительное бик1ар: ца-ца, к1ик1ел, шушел, вец1-вец1ал, вец1ну к1ира-к1ира.

3. Сек1улти дуйг1ух1ели, илдала гъаб-г1ергъидеш чебиахъуси ва сунени чиди? яра чумъибил? ибти суалтала цалис жаваб лугуси числительноелис гъаб-

глергъидешла числительное *биклар*: цаибил, шуибил, вец1ъибил, урег-ибил ва ц.

Числительноеби лук1ни.

1. Сари *-ну, -анну, -лим* суффиксуначилти числительноеби чус глергъити числительноебазирадекларли лук1а: вец1ну цара, х1ябц1анну шура ва ц.

2. Числительное *дарш* сунес гъалаб бак1ибси даршанала къадар чебиахъуси числительноеличил барх лук1а: к1идарш, х1ябдарш, шударш ва ц.

3. Гъаб- глергъидеш чебиахъути числительноебазир *-ибил, -эсил* ибти суффиксуни лук1а:

а) дарх, эгер ил числительное биалли (вец1алра бархли), яра ил числительное вец1аназибад, даршаназибад, азиртазибад биалли: цаибил, к1иибил, вец1ъибил, х1ябц1алиибил ва ц.

б) декларли, эгер ил числительное вец1ла удибси – *ра* агарси числительное биалли (11-личибад лаг): вец1ну цара ибил, урч1емц1анну урч1емра эсил.

Ишара. Эгер цифраличил (цифрабачил) белк1унси числительноелис глергъи *ибил, эсил* урдаталли. Илдала мерла тире (-) кабалта: Мартла 8-барх1и ва ц.

Дефисличил лук1ути сари дурт1у числительноеби ва ца ургабла луг1и иргъахъути къадар числительноеби: ца-ца, х1яб-х1ябал, авц1анну к1ира-к1ира.

Ишад дурадулхъан к1ик1ел, шушел, гъагъал ибти дурт1у числительноеби. Илди лук1ути сари дарх.

Дурт1у числительноели х1ебиубли, царх1ил мяг1налис биубх1ели (белгиагрила местоимениелис яра царх1ил) ца-ца-ра барх лук1уси саби. Цаца адамли сек1ал г1ях1ил бала.

Х1янчи 1. Предложениеби черделк1еная, чузирти числительноеби сегъунти сарил чедаахъая.

1. Ванзалара Берх1илара ургабси гъарахъдеш даршлим шуц1али миллион километр саби.

2. Байкал - дунъяличиб бегла мурхьси клав саби. Илала мурхьдеш азирлим верхларшлим авцланну метр саби.
3. Ну хъулилад дуравхъила урег-ибил бархли аркьули саби.
4. Ишди клидехлелра къапуличи цадехл-цадехл мегъ чедихъалли, шубехл хъалибаргла хъулри дебакадирули сари.
5. Ца-клел усал жакъали дурзамла багъа булъа. (х.б.)
6. Илди хасти ца-ца урчи дабгити урки сари. (С.Г1.)
7. Азирлим урчларшлим авцланну цара ибил дула декабрьла цабил бархли немецунани ца партизан руси карушиб. Ил Москва шагъарла клидаршлим цабил школала вецлибил классла ученица Зоя Космодемьянская сарри.
8. Ишбархли нушани огородлици беглунси картошкала байхъала абитлунра.

Х1янчи 2. Текстлизирти числительноеби гъайличил дархъли луклули черделкленая, мяглна х1ясибли сегъунти сарил бурая.

Лебил халкъласи кумек.

1941 ибил дула июль-август бузразирал адамтани Ватан балтахънила фондлис арцани ва цархилти кыматчерти секлал дедлугутири. Гъар мераначиб тлнтлбиуб базла алапазирад ялчнани 1 яра 2 бархила арц дергъла мурадунас саби г1яхлулали дедлугни. Илгъуна сипта г1еббуциб колхозла зяхлатчибанира. Гъар базли гъарил адамли 1-3 къия бархли дергъла мурадунас урисахъес разибикиб илдир. Дагъиста халкълира ил фондлизир халати бутлакъяндеш дарибтири. Дургъбала дусмазир дагъистанлантани ил фондлизи 312 азир къуруш, 222 хала х1яйван, 2320 маза, 414 цура, 6 азирцад г1ярг1я-дагъа, 4,3тонна клема ва дахъал цархилти продуктуни дархъибтири. Илди дусмазир дагъистанлантани чула тухумтас ва цархилти бургъантас 75 азир посылка дархъиб, чузирра, берк-бержла продуктунала дурарад, палтар-къяш ва цархилти г1яг1ниахълуми лерти. (Султан Х1усейнов)

Х1янчи 3. Ишди г1ергъити числительноеби тетрадунази делк1и падежунардая.

6, 10, 30, шел байхъала, 25.

Ишди числительноеби мух1лиличил падежунардая: к1ел байхъала, 14, 20, 125.

Х1янчи 4. Царка, учидяхъ ва цаладыхъ числительноеби дек1ар-дек1арли къяянази делк1еная.

Гех1ц1анну урег1а, гех1дарш, к1иэсил, х1ябъибил, шуц1али, азирлим верх1даршлим авц1анну гех1раэсил, вец1ну цара ибил, ца, к1ел, х1ябал, авц1анну верх1ра, х1ябц1анну цара-к1ира, вец1ал-гъал, шел, урег1ал, ца-ца.

Х1янчи 5. Предложениеби делч1еная, числительноеби чуни баяндирути дугъбачил селизир далдикилил белгибарая.

1. Х1ябал районнизиб саби Къасумкентла заказник: Сулейман Стальскийла, Курахла ва Хивла – Гульгеричла къярдла югла – востокла дубуртала гъалаб.
2. Кабир ва Кахцуг шимала ургабси Курах х1ерк1лизиб халаси чях1-чях1и леб. Илала ахъдеш вец1ну шура метрла саби.
3. Самурла вац1ализир урег1анну гех1ра журала галгуби ва къадуби лер.
4. Альпила мерличирти дубуртачир г1яшли дак1ибти къар лер, сарира вец1ну шура сантиметрла ахъти.
5. Янкъиюртла заказникли буцибси ванза гъал азир гектарличибра имц1али саби.
6. Чидил – биалра районнизир яра шагъарлизир х1ердирули диах1елра, нуша лерилра ца республикала дурх1ни сарра.
7. Хивла галгуби удалтули, бахчаби дашахъули Самурла вац1ала х1ябал бут1ала ца бут1а камбиубли саби.
8. Нуша – алавси т1абиг1ят нушала хала бег1тани батурси давлала ца бут1а саби. (И.Мях1ямадов)

Х1янчи 6. Ишди кьадар числительноебазирад гьаб-г1ергьидешла формаби дарили х1урпрачил делк1еная.

1996, 54, 1, 6, 8888, 224, 190, 25, 33, 44, 44, 55.

Х1янчи 7. Ишди дурт1у числительноеби пайдаладирули, предложениеби делк1еная.

Ца-ца, урег-урег, цадех1-цадех1, вец1ну к1ира-к1ира, ав-авал, к1и-к1ел.

Х1янчи 8. Диктант. Ишди числительноебала лук1нила тях1урти белгидарая. Предложениеби пикридарая.

Авал-шел, урегал-верх1ел, вец1ал-гьал, даршал-к1идарш, гьану цара-к1ира, гьану шура- гьану урегра, азир-к1ел азир, вец1ну цара-к1ира, х1ябц1анну цара-к1ира, урч1емц1анну урч1емра, х1ябдаршлим урч1емц1анну урегра ибил, урег-ибил, урегэсил, шуибил, авц1анну шурадех1-уреградех1, к1ик1ел, шушел, гьагьал, 1996-дус, Мартла 8-барх1и.

Х1янчи 9. Ишди числительноеби белк1личил черделк1еная, х1ячми чедаахъая. Учидяхъ ва цаладахъ числительноеби дурая.

6, 7, 8, 1, 20, 10, 1000, 10000, 125, 4, 5.

Х1янчи 10. Учидяхъ дугьби алк1ахънилизир сегьуна гьайла бут1али бут1акьяндеш дирули?

Верх1рангбиэс, к1илизанти, х1ябдьяргъи, верх1кьярякьли, авкабяхъиб, авц1алицад, х1яйнара-сера, х1ябг1ерхъа, авмузан, х1ябкьяй, к1ибайси, к1иурк1деш, к1иякьла, цашалбикиб, цакьадар, цах1набик, цакесек.

Х1янчи 11. Предложениебазир числительноеби даргая ва цаладикни х1ясибли, мяг1на х1ясибли чидни сарил ва предложениебазир чидни членти сарил бурая.

Илди-хасти ца-ца урчи дабгибти уркри сари. (С.Г1.)

Даг нушала раймаглизи даршдех¹ ботинкаби, азирдех¹ динди, гъану шурадех¹ костюм ва к¹идаршлим гъадех¹ х¹ева-шалбар дак¹иб.

Ванзала цаибил, к¹иибил ва х¹ябъибил спутникуни датаибти г¹ярусла г¹ялимтани сари.

Ну хъуливад дуравхъила урег-ибил барх¹и аркъули саби.

Берх¹ила нурли ил гъуни гех¹ел минутли ихъу.

Урч¹емал дусла ух¹нав бех¹бихъудла, урга даражала, чебях¹си даражала багъуди касес бажардиикиб ил дубурлан урши.

Азирлим урч¹емдаршлим х¹ябц¹анну к¹ира ибил дуслизиб Сергокъалализиб хъубзара жагъилтала школа абхъибсири.

Нешла, ц¹аличиб шангван, рурц¹уси дец¹ гъар дусла августла гъаличиб заблис г¹ергъи х¹еблизир вава-къарван сагабик¹ули саби.

Ца библиотекализир вец¹ну цара зал халатас лер, к¹ел зал бишт¹ас лер.

Х¹янчи 12. Числительноеби пайдаладирули «Дявила гъуни» бик¹уси сочинение белк¹еная.

Местоимение.

Сек¹ал, илала лишан яра луг¹и гъанх¹ебушили, илдала мерлаб бузахъуси гъайла бут¹алис местоимение бик¹ар.

Арцурли аркъуси арцан гъаваличибад хабарра агалли кабикиб. Ил – г¹яяркъянани тупанг игъубли кабикахъибсири. («Ил» ибси местоимение «арцан» ибси существительноела мерлаб бак¹или саби.) Предложениелизиб местоимение подлежащеели, объектли, сказуемоели, сказуемоела бут¹али, дополнениели ва царх¹илти члентили башар. Сунезибад иргъуси мяг¹на х¹ясибли, местоимение чумал къукъяличи бурт¹ули саби:

Бях¹ла местоимениеби: ну – нуша, х¹у – х¹уша, сай, сари, саби.

Ишарала местоимениеби: ит – итди, ил – илди, иш – ишди, ик¹ – ик¹ди, их – ихди.

Суалла местоимениеби: чи?, се?, чихъали?, чум?, чумбех1?, чиди?, сегъуна?, чумдех1?, чум – чум?, сецад?, чина?, чинаб?, чинад.

Белгидешла местоимениеби: гъарил, гъар – чиди ца, баягъи, пулан, лебил, лебилра, лерил, лерилра, чинабалра.

Белгиагрила местоимениеби: чумал, чумрил, пачумал, чумилра, чидил, чидирил, чирил, серил, се сабил, цаца, се – биалра, чи виалра, чиди – саял, чина – дигара ва царх1илти.

Отрицаниела местоимениеби: цалра, селра, чилра, чизилра, селизилра, чиналра, чичилра.

Притяжательноела местоимениеби: вег1, вег1ла, вег1лис, вег1 – вег1ла.

Х1янчи 1. Предложениеби делч1еная. Мяг1на х1ясибли группабачи дут1или, местоимениеби черделк1еная.

Ишди лебилра халкъ, ишди лерилра машинаби ва урки ши к1ухбик1уси фронтла къуллукълизир сари. (С.Г1.)

Белч1и далайра, чи – саял лявкъули сай. (С.Г1.)

Чина къалабарили? (Г1.А-Б.)

Сели – саял ил дурала улкала адамличи мешуиркахъули сай. (Г1.А-Б)

Чизилра мабурид или, илис шел къуруш дедиб. (С.Г1.)

Ну багъандан селра г1яг1нили ах1ен, х1уша набчи къакъамадик1удая.

Вег1ла агарси баргес къиянни бирар. (х.б.)

Х1янчи 2. Ишди местоимениеби падежунардая.

Ит, итди, пулан, пуланти, се, чум, гъарил.

Х1янчи 3. Предложениеби делч1еная, местоимениеби черделк1еная, чидни падежуназир сарил бурая.

Бег1лара духуси ну сайра, бег1лара жагаси ну сайра или, вег1личила вег1 пикриик1ули хъалли, дигайлисра талих1лисра царх1ил духусили, царх1ил жагасили, царх1ил ц1акъсили увулхъули сай. (И.Х1)

Илис, марлира, замана беткахъилри. (И.Х1.)

Сунела дудешра сайра Жалил чинарил арякъун. (М.Расул)

Майла цаибил дуги илини сунес сунени операция барили, сукъур руд убкасиб.

Х1ечи иш кагъар лук1уси х1ела гъалмагъ Муса сайра.

Чили буриба х1ези дила юртлизи гъуни? (Р.Г1ямаров)

Гъанна х1ед дигуси бара, х1ули къяп1х1ебарили, бек1а къабулбирис. (Р.Г1ямаров)

Х1янчи 4. Предложениеби черделк1еная. Местоимениеби тугъаили дек1ардарая.

Ик1ичи вархъли вашен. Ик1а аили т1ашкайзи, ну г1евиусну. (С.Г1.)

Гъар-чиди ца адамличи юлдашдеш далх1едиркур. (М.М.)

Зара гъанна баягъи ил юртлизир иличил рарх рири. (Г1.А-Б.)

К1ел – х1ябал километр ахъайчи илди башули калун авлахъкад, сабира лебил шинкаурси. (С.Г1.)

Адамти имц1али учибикибси мерличи абаайчи Г1ялира Мажидра ва илдас г1елавад Х1яжира цачумал ганзла гъалабикили лябкъулри. (М.М.)

Ну аркъуси шилизи автобус х1ебашни багъандан иличивад гъундурала х1ябкъайличи кац1ира. (А.Ал.)

Глагол.

Сунени сек1а баркъуди яра иличибси х1ял иргъахъуси гъайла бут1алис глагол бик1ар.

Инфинитивла морфологический лишан саби суффиксуни -ес, -эс лерни: х1еризэс, барес. Предложениелизиб глагол я чеббурхули яра чебх1ебурхули башар. Масала:

Нешли къац1 берц1иб. (чеббурх. глагол)

Къац1 берц1иб. (чебх1еб. глагол)

Глаголти дирар таманси ва таманах1енси журала.

Таманси журали иргъахъу бухъянх1ебит1унси, къант1си, таманбиънила ахир: бег1ун, бергун.

Таманх1енси журала глаголтани иргъахъу бухъянбит1унси, бахъх1и тикрарбик1уси: лук1улра, дашулра.

Глаголла урегал наклонение лер: *хабарла, шарт1ла, следствиела, амрула ва суалла*. Масала:

1. Ишдус ну шагъарлизи аркъяс. (хабар накл.)
2. Бизили заб даралли, ризкъи г1ях1ил духъар. (шарт1 накл.)
3. Х1у вак1адри, нура вак1иши. (следствиела накл.)
4. Х1у мурадли ваъ! (дигнила накл.)
5. Гъари, жуз кабуха (амру накл.)
6. Узи вак1ибу? (суал накл.)

Х1янчи 1. Белгиагар формала глаголти черделк1еная, илдала жинс кабизахъирая ва чула суффиксунала уди къелая.

Илдуги Гебек шакх1ейкниличи тамашаиэс г1яг1нили ах1ен. (С.Г1.)

Неш – дудешлизи дях1 – някъ дирцахъес, дазала дарахъес х1ямам чебаахъиб. (М. Хаттаева)

Колхозла х1яйвантас кадуршес зе духес бак1ибси машина Сакинатлис такси сабри. (М.Х.)

Сакинатличиб бахъх1и калес неш-дудешла замана аги. (М.Х.)

Илгъуна замана Запир, хъайг1ив х1ейэс багъанданра, дуравхъи ветихъи. (С.Г1)

Жагаси ц1икури бег1тачил шилизир ратурли белч1уди даимбарес шагъарлизи вак1илри. (М.Х.)

Илх1ели буйрухъ бедибсири, душман селичила – биалра шакикайчи ахъдешличи гъужум барахъес. (Э.Къапиев)

Илини деркахъес ва держахъес гъадатуртачи къячх1ерикунра. (У.Шапиева)

Лебтасалра пешкешдарес дигулра дига – карц1ира, хатир – х1урматра урк1ила дайларад дурадиркути, миц1ирли лералцадх1и ках1едурхути.
(У.Шапиева)

Х1янчи 2. Ишди царка глаголтала кумекличирли учидяхъ глаголти дарая.
Изур, бизур, дариб, ахъиб, бях1иб, бит1ун, кайкес, батес, биуб, ик1ес, бариб, дариб, вариб, бикиб, дуциб, ухъун, х1ебиркур, баиб.

Х1янчи 3. Удир гибти глаголти секъяйда детаурлил, бурая.
Тикрарбарес, къац1 – къац1икес, мешу – мешубарес, къабулбарес, вявик1ес, бажардиикес, х1унт1енбиэс, х1ябкабарес, багълабарес, цугбикиб, г1ях1бизур, агъибик1ес, тудяхъес, гъанаур.

Х1янчи 4. Ишди учидяхъ глаголти дек1арли лук1уси къяйдаличил чула урга дев бак1ахъили делк1еная.
Хъурабарес, х1яршбиэс, х1янч1барес, хъяшбердес, ряг1ятбиэс, силт1ирбик1ес, сунт1барес, суравбик1ес, сукъурбиэс, ташмишбик1ес, тиладибик1ес, к1иркабарес, т1ашбатес.

Х1янчи 5. Ишди учидяхъ глаголти дек1арли лук1уси къяйдаличил делк1еная ва илдачил предложениеби пикридарая.
Пикриик1ес, гъайрик1ес, дарсдик1ес, х1ябкабарес, шалабарес, гъуниббатес, т1амадарес, дукарях1ес, багълабарес, балкъаахъес, т1инт1биэс, пикриик1ес, алавухъес, дахъдик1ес, цалабиркес.

Х1янчи 6. Ишди глаголти дархъили делк1еная.
Т1ях1(бухъун), бух1на(бухъун), къас(бариб), пикри(бариб), х1яракат(бариб), кумек(бариб), хала(ваиб), ца(биэс), гъайик1ес(кайиб), гъан(дуциб), таман(бариб), г1ях1(биуб), вак1или(сай), вашуси(вираси), уч1уси(сай),

гъуя(вявдарес), х1унт1ен(ц1убиэс), мешу(мешубарес), дуц1(дуц1ик1ес),
тях1ра(кавхъун), дуц1ра(ухъун).

Х1янчи 7. Ишди учидяхъ глаголтала гъалабси бут1аличи определение
чебатурли, илди дархъли делч1еная.

Къулбасбарес, къелбарес, къараулбарес, кумекбарес, дяг1бухъес, гъигъбушес,
ихтилатбарес, сабурбарес, х1урматбарес, ц1акъбиэс, шишимайзиикес.

Х1янчи 8. Ишди таманси журала глаголтазирад таманх1енси журала
глаголти дарая. Яргадик1ути т1амрала уди тугъаая.

Бемх1ес, рамсес, вемжес, ватес, биршес, бирц1ес, битес, белк1ес, делкъес,
вак1ес, ухес, укес, белч1ес, биркъес, бирзес, бирбес, бирцес, бяхъес, вях1ес,
бицес, уцес, укун, ужун, буриб, калун.

Х1янчи 9. Глаголти чебх1ебурхуси формаличи шурдатурли, предложениеби
черделк1еная. Предложениеиела членти дек1ардарая.

Нуни къац1 беркунра.

Нуни газета белч1унра.

Нуни мура удулра.

Нуни ц1едеш луц1улра.

Нешли хинк1и дариб.

Г1ямарли далай белч1ун.

Х1янчи 10. Ишди предложениебазир глаголти даргили, илдала наклонение
кабизахъиарая.

Историялизив бег1 гъалав космослизи арцур майор Юрий Гагарин.
(газетализибад)

Гъалмагъуни цабалги х1ебиалли, илдала х1янчи гъала арх1якъян.
(Крылов)

– Арадеш габ, дудеш, х1ед, - иб дурх1яли.

Узби, лех1дизая ца далайличи, кабизурси марла иш хабарличи. (х.д.)

– Се баралли г1ях1илара, неш?- хьарбаиб илини сунела рухъна нешлизи.
(С.Г1.)

Нушала пьесаби гъарахъси шилизирра, Мях1ячкъалализирра, Кремльла
театрлизирра чедиахъули сари. (Р.Х1.)

Хянчи 11. Ишди глаголтачи шарт1 наклонениела 3- ибил бях1ла суффиксун
-алли, -алри, -алра имц1адарили делк1еная.

Лямбик1ес, мук1урбик1ес, лугъес, батбухъес, дядбатес, г1ячубарес, дег1ес,
дураэс, жалбарес, жягъбухъес, зяг1ипбикес, кебасес, къалайбарес, къызбикес,
къиянбизес, къиц1бикес.

Х1янчи 12. Назму саркъахъили белч1еная.

Дила шагъар.

Урхъни – г1елабад берх1и

Х1ела имкантачи ну

Баянбиуб байхъала.

Къас - къасли вирхусира.

Урхъу – дуб къуч1урбухъун,

Х1ела ц1ябти дамкъначи

Чесаргъиб Мях1ячкъала.

Ну даим къакъасира.

Зайбик1ен, дила шагъар,

Бег1 ахъли, урк1и гъаргли

Х1ябц1алидех1 мезличил.

Г1ях1лас гъунибиулри.

Бек1 сагъли, чарх арали

Жагъбиубли, кег1ебли

Булх1ен х1у берх1личил.

Муэрли чебиулри.

Шалк1удуцилри х1уни

Урхъни - г1елабад берх1и

Дубуртира урхънира.

Баянбиуб байхъала.

Дахъх1и х1езир сар дила

Урхъу – дуб къуч1урбухъун,

Назмуртала умхънира.

Чесаргъиб Мях1ячкъала.

(Р.Рашидов)

1. Глаголти черделкленая ва илдала жураби белгидарая.
2. Иш дугьбала цалабяхъла мяглна бурая: хлябцалидехл мезличил.
3. Ишди дугьбала морфологический разборти дарая: кьучлурбухъун, баянбиуб.
4. «Мяхлячкъала – Дагъиста тахшагъар» биклуси сочинение белкленая.

Х1янчи 13. Ишди глаголтас антонимти делкленая.

Ухес, гъайбарес, жяргабиэс, ванабиэс, айзес, вьвбяхъес, дурусбарес, тлашизес, ургъес, ашкарбарес, гъалабикес, висес, цляббиэс, убихъес, абицлес.

Х1янчи 14. Ишди глаголтазир приставкаби даргая, илди деклардарая ва чули иргъахъуси мяглна баянбарая.

Кабихъес, кабирхъес, гъаббаклес, глелакабиркес, гъалабуцес, абаахъес, абитлес, арбухес, ахъбарес, чебатес, кабяхъес, удибикес, глевваэс, лагбизес, балбикес, чеббалклес, дурабитлес, касес, сасес, асес.

Причастие.

Причастие или биклар глаголла формалис, сунелара глаголличи ва прилагательноеличи мешути лишанти лерси, масала: белклунси жуз.

Причастиели глаголличи кьяйда иргъахъу: замана, жура, чеббурхни ва чебхлебурхни. Масала: ваклибси (убла замана, таманси, чебхлебурхуси, мурул жинс, цалихъ.)

Причастиели прилагательноели кьяйда секла лишан иргъахъу ва сегъуна?, чиди? ибти суалтала цалис жаваб луга, масала: гъалаикибси (чиди?) дурхля.

Причастие глаголлизивад бетаруси саби жура – журала суффиксунала кумекличибли, имцлали дузути суффиксуни сари -си, -ти, -уси, -ути,-ан (-ян), -анти (-янти). Масала: бучла – бучлутути, бучлуси.

Х1янчи 1. Предложениебазир причастиеби даргая. Илди чидил заманализир сарил белгибарая. Ишди буралабунала мяглна бурая.

1. Балклунси галгала дяхлцлира балкла бирар.

2. Заблиу викибсилис гъанбиркуси саби лебилра бемх1ур или.
3. Гъарил бурибси девличи лех1ихъуси лих1и лебси саби.
4. Г1еркъабит1унси мекъли улхъес бурсивирахъу.
5. Берх1ила нур адиц1уси хъули тухтур вашх1ешесра асубирар.
6. Бемгурси къял бирзеси камх1ейрар.
7. Гъимук1ибси – г1якълуагарсила узи сай.
8. Къяйц1ибк1уси абъали жибх1ни халах1едиахъу.
9. Велкъунсили гушсилис къац1ла бут1а гъалакх1ейк1ули гъалакабирхъу.
10. Улхъес балх1ебалуси, дила къяшми далк1ти сари вик1ар.
11. Сунела юрт шишализибад барибси адамтачи къаркъуба иртх1ертур.
12. Х1яв бец1 г1ярг1на лукъуси ах1ен.
13. Нуни бицибси дила юрт ах1енрину, дила унра сайри.

Хянчи 2. Ишди глаголтазирад причастиеби дарая. Илдачил дугъбала цалабикуни делк1еная. Илди чидил заманализир сарил белгибарая.

Аргъиб, берц1иб, бурдиб, бигуб, ак1уб, бегъуб, буун, беркун, алкун, багъур, бертур, амч1ур, вак1ес, белч1ес, аркъули сай, лявкъули сай, узули сай, уч1ули сай.

Х1янчи 3. Причастиебала замана кабизахъиарая ва суффиксуни чедаахъая.

Уч1уси адамли сек1ал г1ях1ил бала.

Ит адам х1ушачи вак1еси сайригу, х1ек1иб.

Узуси адамла арадеш г1ях1си бирар.

Дила гъайли гъайдик1ул бек1 мургъила къарчигъа. (х.д.)

Вег1лис х1ейгуси урх1лис биру ях1агарсини.

Гъайли биц1ибси дунъя, урх1ла сен х1ергъутира? Нуни х1ези гъайасли, лих1би арар къаркъара. (А.Г1ябдулманапова)

Х1ули урухк1уси бирар, някъ г1ях1гъабза бирар.

Анкъанир хъу делг1ан, хъалчир мура удан. (х.б.)

Къяна бурес вирусини къалпдеш баресра вирар. (х.б.)

Держлукълис глѣхлси вирар держла кертлѣбси адам, садакъачис – садакъа бедѣбси.

Хлѣянчи 4. Ишди причастіеби подлежащеели, определениели дієсли, предложениеби делклѣная.

Жалбиклѣути, суалбиклѣути, куртлѣбиклѣути, баклѣбти, бузути, глѣалабикибти, хлѣхлѣидиклѣути.

Хлѣянчи 5. Ишди прилагательноеби ва причастіеби къаршидуцили, илдала ургаб мяглѣнашашал сегъуна деклѣрдеш лебал бурая.

Цлѣакъси – цлѣакъбиубси, мурхъси – мурхъбиубси, хъярхъси – хъярхъбиубси, цлѣуба – цлѣуббиубси, ахъси – ахъбиубси, глѣяшси – глѣяшбиубси, гъаргси – гъаргбиубси, цлѣудара – цлѣударбиубси, шаласи – шалабиубси.

Хлѣянчи 6. Текст саркъахъили белклѣная. Вацлѣала къадриличила ихтилат барая.

Ядала галга.

Ядала галга дубурла галга саби. Ил башуси саби Алпила мякъларти ва Алпила дубуртала мер – мусаличиб. Цацахлѣели илала ахъдеш авцлѣали метрличи абиркур.

Глѣалабла замана нушала хала дудешунани ва хала беглѣтани, набт агархлѣели, хъулиб шала бирахъес ядала уцлѣли улкахъутири. Ядала галгализи цлѣадикалли, илди вацлѣализи къалабали тлѣинтлѣдирар.

Мяхлѣкамдеш хлѣбарниличибли Хъаргабла районнизѣб халаси мерличѣбси ядала галгубала вацлѣа бигубсири.

Ядала галгуби цацахлѣели деклѣар – деклѣарти мераначира удалтули бирар. Илди цархлѣилти галгубачил уржили дарх дузар.

Бурбунар клѣапрала журабазибад нушала дубуртазиб ва дубуртала бяхлѣяназиб беглѣлара балбикибси саби ядала галга, сенахлѣенну, мурхъти мякъа ил дебали бѣхлѣу, халати дуглѣбазибад уруххлѣеклѣар.

Ядала галга халкъла дахъал х1яжатунас т1инт1ли пайдалабиру. Илизирид г1ях1ти далга диру. Бурбуназирад витамин С, витаминтала декъ, ядала г1явадеш ва царх1илти сек1улти диру.

Ядала галгала х1еруди агарти вац1урбазибра бухъуси саби. Илдани нясдешуназибад гъава умубиру, бахъал адамтира ил галгала мякъла кабирар. Ил адамтала арадешлисра кумекли бетарар. Чидилти вац1урбазир духъули диалра, ядала галгубани г1ях1си асарбируси саби г1янжила – гъавала кабизличи, х1урк1би дашниличи, дях1ни бурт1ниличи.

Школализиб галгуби удалтахъес, илди мях1камдирахъес дурх1ни бурсибирuли саби. Илди бурсибирuли саби галгубас зарал х1ебиахъубли илдала шин ва пенц1 дурчахъесра. Дурх1нани илди удалтули сари.

Сепайда, халатани чус пайдаладарес дирхъули къадин.

(Ибрагъимхалил Мях1яммадов)

1. Падежунардара иш дугъбала цалабяхъ: ядала галга.
2. Деепричастиеби, причастиеби, прилагательноеби, наречиеби тахтаби х1ясибли черделк1еная.
3. Царка предложениела синтаксический разбор барес: Ядала галга халкъла дахъал х1яжатунас т1инт1ли пайдалабирули.

Х1янчи 7. Текст чеббелк1еная. Х1яжатси мерличи багълабирнила ишараби кадатирая.

Дагъиста асил урши.

-Дарган сайниличи пахру бирулра амма царх1илти миллатунала вакилтира цаван чебиулра, - вик1и патриот ва интернационалист Х1ямид.

Сай минала дарган виалра, Х1ямидли миллатуни бек1лил дек1арх1едири.
-Миллатуни цаличир-ца г1ях1ти сари, вайси миллат лебси ах1ен, - гъар мурталра тикрарбири интернационалист Х1ямидли. Ил миллатла хъарихъ ва къякъбяхъ сайри, миллатла пахру сайри, Дагъиста игъбар сайри.

Марлира, ахъ зубразир ирмицад ванзаличир вава-къарцад марти х1ялалти, къян-жапа дак1ибх1ели убяхъести, узбигъунти гьалмагъ-тянишуни, балликъянаби Х1ямидла лебри Дагъистайзиб, СНГ-лизиб, дурала улканазиб.

Х1ямидли Дагъистан эркинбарес, вавалибяхъес, давлачеббияхъес, халкъла яшав ункъбияхъес дахъал къайгъи-х1яракат дариб. Америкала, Францияла, Германияла, Испанияла, Швецияла, Сирияла, Египетла, Турцияла, Иорданияла ва царх1илти дурала улкначи дархти предприятиеби, фирмаби, заводуни дарахъес, илди дузахъес дотацияби (арц) сасес вяг1дурти дариб.

Патриот ва интернационалист х1ейк1ули, г1ур сейк1уси гъат1и илгъуна дунъяла инсаният цатах1ярли дигуси адамлис?

(Мах1яммад Тахсурманов)

Текст саркъахъили белч1еная.

Хаста ва дахълихъла существительноеби черделк1еная.

Глаголти черделк1еная х1ябъибил бях1лизир ва илдазирада причастиеби ва деепричастиеби дарая.

Иш девла фонетический разбор барая: миллат.

Ишди дугъбала мяг1на бурая: къакъбяхъ, миллат, балликъянаби, х1яракат. Илди дугъбачил предложениеби пикридарая.

Х1янчи 8. Ишди причастиеби объектлис определение диэсли предложениеби делк1еная.

Хъумартурси, ахъбуцибси, бяхъибси, убушибси, убяхъибси, хирт1барибси, хибси, багъурси, балбикибси.

Деепричастие.

Деепричастие или бик1ар сунезир глаголлага наречияла лишанти лерси глагола формалис.

Деепричастие бетаурси саби, глаголличи дек1ар – дек1арти суффиксуну (- ли, - ули, -и, -ла, -айчи, -яйчи, -ейчи, -ичу, -х1ели, -ух1ели, -мад, -мадан, -ливан, -их1и, -уйх1и, -на, -укад, -къи, -укъи, -цад,) имц1адиъниличибли.

Масала: вак1или, уч1ули, вякьи, вак1ибла.

Деепричастие глагол кьяйда жинс, кьадар х1ясибли барсбик1ар, глагол кьяйда тамансили яра таманах1енсили, чеббурхусили чебх1ебурхусили бирар, замана иргъахъу.

Масала: Х1ерая, х1ерая, бук1уни, бец1 лябкьули!

Деепричастие предложениелизиб наречие кьяйда обстоятельством биар.

Масала: Урчи дуц1бухьи арбякьун.

Х1янчи 1. Предложениебазир деепричастиеби даргая. Илдала глаголличи, наречиеличи мешудешуначила бурая. Суффиксун чедаяхъа.

Ребк1айчи дила дурх1я чеваэс дигулра. (А.Твардовский)

К1ел – х1ябал километр ахъайчи илди башули калун авлахъкад, сабира лебил шинкаурси. (С.Г1.)

Г1ямарра Багъатирра х1улрас мегъ кабухес ц1ала гъунила станциялизи бякьи чарбухьири. (Р.Рашидов)

Гъанна бусяг1ятра Г1ябдуллагъ мураличи кайхьи пикриик1ули сай.

Дурх1ни буч1ес бех1бихьибмад, Г1ях1мад, бек1лиу някъра ибкьяили, усес вех1ирхъусири.(Р.Н.)

Камси замана дикибх1ейс илди, ца – дек1ар гъавиубси агарли, цах1наб гъаббак1иб. (М.М.)

Маза т1алабдарайчи хури т1алабдиран.(х.б.)

Шалабияйчи ну чеваргъира.(И.Кожедуб)

Х1янчи 2. Ишди глаголтазирад жура–журала мяг1нала деепричастиеби ак1ахъиарая.

Белк1ун, т1ях1ухъун, арцур, кайкиб, бут1иб, игъуб, арзиб, ак1уб, арбухиб, хиб.

Х1янчи 3. Ишди убла заманала глаголтазирад суффикс -ли,- ла, кумекличил деепричастиеби дарая.

Бертур, хъумартур, т1ашбизур, дикъур, чегъур, катур, бяркъур, батур, саберхур, арцур, чебатур, верхур, кадерхур, гъанаур.

Х1янчи 4. Ишди глаголтазирад суффикс –и имц1абирули, деепричастиеби ак1ахъирая ва илдачил предложениеби делк1еная.

Дуравхъун, хъусухъун, хъарбихъун, шурухъун, чябхъбухъун, г1ергъибухъун, чеббелк1ун, чебихъун, чарбухъун, чях1бухъун.

Х1янчи 5. Ишди наречиебира деепричастиебира къаршидуця, чула ургабси дек1ардеш бурая.

Гъаргли – гъаргбарили, гъамадли – гъамадкабиубли, жагали – жагабиубли, къалабали – къалабаикили, х1ядурли – х1ядурбиубли, багълали – багълакайубли, г1ясили – г1ясибиубли, ч1умали – ч1умабиубли.

Х1янчи 6. Ишди предложениебазир деепричастиеела авидуни даргая ва г1яг1ниси мерла запятаяби кадатирая.

1. Дурх1ни буч1ес бех1бихъибмад Г1ях1мад бек1лиу някъра ибкъаили, усес вех1ирхъусири.(Р.Г1.)

2. Г1ях1мадхъали бак1айчи стол балкъаахъурлири.

3. Пат1иматли гъар барх1и хъайг1и рак1ибх1ели къия бурх1ни лук1утири.

4. Вагъабличирад дурарухъунх1ели Пат1имат тукейзи рякъун.

Х1янчи 7. Ишди деепричастиебачил предложениеби цаладыхъая. Багъайчи, бек1айчи, бирцули, ухъули, агаркъи, усаунх1ели, бурили, бац1или, урк1ухъи, т1ях1ухъи, висули, вак1ибмад, х1еръибкад, белк1и, усан, вашукад.

Х1янчи 8. Ишди глаголтачи деепричастиела сегъунти суффиксунимц1адарес вирара? Гъарил суффикс х1ясибли, дарибти деепричастиеби дек1ар – дек1арти тахтабази делк1еная.

Бигуб, каргъур, арзиб, каиб, бигъун, бергур, кайхъун, беруб.

Х1янчи 9. Ишди деепричастиебазирад глаголти дарая.

Вак1ибмадан, арякъунмад, ак1убла, вак1ибла, уч1ули, вякъи, укъяйчи, вашули, уч1укъи, х1ейгукъи, бурибкъи, вашуйх1и, катурли, батурли, арцурли, айзурли, бигубли, бехъубли, арукили, бак1или.

Х1янчи 10. Предложениеби черделк1еная, скобказир чедаяхъибти глаголти деепричастиебачи шурдатирая.

Дуц1румлизир, июль баз (чесабаиб), илар сагурбачир ахъти къар дашар.(А.К.)

Вец1ну авра дус (виуб) Ломоносов ахъси, ц1акъси ва залумси дурх1я ветаур.

– Ну (ак1уб) илди держибти ах1ен. Илдани кумекра бек1лил х1ебиру. (Р.Р.)

Иш дубурла хъари (ац1иб) берх1и гъаббик1на х1ерик1алли, илаб дуб агарси хъанц1а закла удиб ил закъгуна дянг авлахъ чебиули саби.

Г1ях1мад илди гъуниббатесра (х1ейуб) хъулив калун.

(Шаладикиб) ил хъярхъли айзур ва Г1яличи дуц1ухъун.

Глагол – существительное (масдар).

Глаголла аслуичи – ни суффикс имц1абарили бетурси глаголла формалис глагол – существительное бик1ар: вак1ни, вашни, белк1ни, лук1ни, белч1ни, буцни ва ц. Глагол - существительноели глаголли къяйда баркъуди иргъахъу, жинс х1ясибли барсбик1ар, таманси ва таманак1енси журала бирар, чеббурхуси ва чебх1ебурхусили бирар. Существительное къяйда

падежунарибар, существительноела суал кабатес виар. Масала: Хіези дила тилади саби набзи ца хіябал гъай дарни.

Хіянчи 1. Предложениебазир глагол – существительноеби чедаахъая.

Чянкіли гіямрулис мекелли халати тілалабуни гъаладирхъули гіергъицун хіерирни лайикъсили бирар. (А.А.Блок)

Къурбунти агарли, къайгъни ва мяхірумдешуни агарли дунъяличив хіеріэс хіейрар: гіямру – ил сунезир чіянкіли цадехі вавницун духъуси анхъ ахіен. (И.А.Гончаров)

Вегіла ціакъаначи вирхни ва цархіилтас гіяхідешлис хіеріэс къасбарни – ил мекелли халаси ціакъ саби. (Ф.Э.Дзержинский)

Куцагарли, сен – сен – биалра, хіяжатагарли хіерирни – хіебиалли, вайтіа хіерирни ахіен, амма багълали убкіни саби. (Демокрит)

Дуцібухъес бякъунти гъунила къячілікіличибад гъаббакіниличи халкъ хіерлири. (М.М.)

Пергерси секіал леб къалли ванзаличив адамли виъни: сецад тамашала секіал чедиулил. (М.Г.)

Мискиннис кумекбарни маккализі хіяж барниличибра гъалаб саби. (х.б.)

Гъай бурни гіяхіси саби, гъатіира гіяхіси саби лехікахъес бални. (х.б.)

Хіянчи 2. Ишди дигнила наклонениела глаголтазирад глагол – существительное дарая.

Тіяхібухъ.., урас.., уббик.., тіашбиз.., тіашаъ.., ташмишикі.., суркъ – суркъухъ.., гурбухъ.., велхъ.., ас.., балт.., бур.., айз.., вемхі.. .

Хіянчи 3. Глагол – существительноеби дакіахъили, 5 предложение пикридарая ва делкіеная.

Наречие.

Сунени баркьудила лишан, замана, мер, къадар чебиахъуси гъайла бут1алис наречие бик1ар.

Масала: 1. Мях1яммад даг (мурт?) вак1иб. (замана)

2. Дураб (чинаб?) ургъули саби. (мер) ва ц.

Наречие предложениелизиб имц1аливан аги-къяйдали бирар, масала: Ишбарх1и дила узи Москвализид арякьун.

Наречие сказуемоела бут1али биубли бирар, масала: Дудеш аралди сай.

Цацадех1ти наречиеби жинс х1ясибли дарсдик1ар, масала: бархъли, вархъли, рархъли ва ц.

Чули иргъахъуси мяг1на х1ясибли наречиеби дирар:

Баркьудила куц (лишан) чебиахъути. Илдигъунти наречиебани ишди суалтала цалис жаваб луга секъяйда?, се тях1ярли?, сен-сен?. Масала: хъярхъли, дуц1ли, г1ях1ил, г1яшли ва ц.

Мер чебиахъути ва ишди суалтала цалис жаваб лугути: чина?, чинабах1?, чинаб?, чинад?. Масала: дуг1, катх1ел, ита, иша, гъарахъли, байлаб ва ц.

Заманала наречиеби, чунира мурт? сецадх1и? ибти суалтас жавабти лугути. Масала: ишбарх1и, жяг1ял, даг, мурталра, гъанна ва ц.

Сабабла наречиеби ва чуни се сабабли? се багъандан? ибти суалтас жаваб лугути, масала: Буц1арли хъайг1ивад дуравхъес агара.

Мурадла наречиеби чунира се мурадли? се къасли? ибти суалтас жавабти лугути. Масала: дуг1ли, х1язлис, масхаралис, кеплис.

Къадар иргъахъути ва чуйна? сецад? ибти суалтала цалис жаваб лугути: камли, имц1али, к1ина, авна ва ц.

Белгиагрила: муртрил, чинарил, чинабрил, сенрил, сецадх1ирил.

Наречиеби дефисличил лук1а:

Чула мяг1на х1ясибли цаличи ца кършити яра цаличи ца гъамти к1ел
дек1рти-дек1рти аслулизирад цаладикибти учидяхъ наречиеби: гъими-
къясли, ита-иша, лаг-катх1ел, кам-гъамли ва ц.

Чула аслу тикрарбарили детаурти наречиеби: багъла-багълали, урга-
ургади, ца-цали ва ц. Ил журала учидяхъ наречиеби дарх лук1а: ишбарх1и,
ишдус, илзамана, цазамана.

Х1янчи 1. Ишди буралабазир наречиеби даргая.

Илди сегъунти суффиксуначил аргъахъили? Сегъуна журала сари илди
наречиеби?

Дуг1ли гъямбик1уси хя бец1ли арбухиб.

К1ина бурибси шинкъалабра аргъиб.

Сунела уркурличиб лебси г1ярбачини г1ях1ил бала.

Мискиндешла унза мурталра гъарзати дирар.

Чичи-биалра гъимук1адли, урк1илизиб даршувиэсра мер бати.

Дак1уси гъаргли бурибси г1яйиб г1ях1си бирар, диг1янси
гъимиличибра.

Верх1на умца, гъачам чеббяхъя.

Камли гъайик1усила х1урмат имц1али бирар.

Г1ях1гъабза цайна убк1ар, вайгъабза-даршна.

Балк1ли гъаббак1иб галга балк1ли халара биур.

Х1янчи 2. Диктант. Тикрардик1ути дугъби се гъайла бут1ни сарил х1ердарая
ва илдачи суал кабатырая?

Шаласи дуги саби.

Дуги халаси дях1и барили саби.

Х1ябилра бухъяна лаг леб.

Ишбарх1и дурх1ни лаг (лагбях1) арбякъун.

Наб дагла арх1яли халаси пайда гиб.

Дудеш арх1яли арякъун.

Дуц1румли дурчу-янили делгъа.

Буц1арси мерличибад янили цацадех1 арцанти юглизи ардашар.

Х1янчи 3. Ишди прилагательноебазирад наречиеби детаахъирая.

Г1ях1си, ах1ерси, ц1акъси, жагаси, мурхъси, ч1умаси, гушси, духуси, мех1урси, вайси, муриси, хъябшси, усалси. Бац1си, назикси, сахъси.

Х1янчи 4. Удир гибти наречиебачил предложениеби пикридарая ва делк1еная.

Ахъ-ахъли, къалаба-къалабали, т1аш-т1ашли, някъ-някъли, сай-саял, жага-жагали, мурхъ-мурхъли, дек1-дек1ли, лаг-лагли, мар-марли, рах-рахли, г1ела-гъала, дуц1ар-дуц1арли.

Х1янчи 5. Скобкаби урасили, ишди дугъби черделк1еная.

(Ахъ) ли дак1ибти сагала къарлизи кайхъи закличи х1ерик1улра. (Мер) мерличирадли муракъянабала т1амри чейхули сари. Нешра Чакарра х1ерикун х1ядурбирули сагала (ит) ил дублаб, галгала удиб бархили саби. Нуни гъачамлис Чакарлизи селра или ах1енра. Сари ил дила х1улбала (х1ер) балли иргъули, сак1убли вяшрик1ули. (Ил) къяйда сари хъулирра. Ну шилизи чарухъунси барх1и ил сунела нешхъаличир сарри. Ляркъух1ели, халаси къям биц1или (чуду) х1инк1ира хили, чаррухъун. (Къасум Бер)

Х1янчи 6. Текстлизирти наречиеби тугъаили дек1ардарая.

Гъалаб Дагъиста халкъани литературала шайчиб цабех1личи цабех1 хъарх1ерли х1ербири. Литературала произведениеби дуч1ес ах1енну, саби-ургаб гъайбик1есра лебтанира иргъести мез х1едири. К1инайс урус мезли Дагъиста миллатуни цабех1личил цабех1 гъайбик1ескабииб. Итх1ели урус мез ургали Дагъиста цадах1 мезаназирад царх1илтаци шурдалтутири художествола произведениебира. Илди шурдалтнилизиб халаси къадри биуб 1934 ибил дуслизиб Дагъиста писательтала Союз ак1ахънила. Итх1ели

Дагъиста литература гъалабх1 арбукнилизе халаси пай кабахъибсири
Ц1адаса Х1ямзатли, Сулейман Стальскийли, Г1ябдуллагъ Нуровли ва бахъал
царх1илтани

Гъанна Дагъиста писательтала Союзлизиб даршличибра имц1али поэтуни
ва писательти леб. Ил организациялис гъуни чебахъули сай пагъмучевси
Дагъиста поэт Мях1яммад Г1ях1мадовли. («Лачин» журналла редакция)

Х1янчи 7. Ишди наречиебас антонимти делк1еная.

Даг, гъалаб, умули, ц1ябли, мурхъли, мурули, дугели, жагали, бац1ли, арали,
велкъи, ч1умали, жявли, къянали, бархъли, ч1ярт1ли, имц1али.

Х1янчи 8. Ишди наречиеби сегъунти гъайла бут1назирад детаурлил бурая,
илдачил предложениеби пикридарая ва делк1еная.

Нувал, х1увал, сабил, иткъи, сайцун, итван, итх1ели, сунеласун, саял,
ита, ик1а.

К1ина, х1яйна, авнали, шуйнас, к1иркали, шуйнали.

Гъаланачи, г1еланачи, ургайчиб, дуг1ли.

Х1янчилав, хъалчив, дуц1ли, хъурали, мурдали.

Ахъли, жагали, дек1ли, шинишли, халали, бишт1али.

Х1янчи 9. Скобкаби урасили, ишди дугъби черделк1еная.

Ц1ябли (ц1ударли), белк1ун (чуйна), аралии (сагъли), иш (барх1и), мар
(марли), ита (иша), хумарли (шадли), гъачам (к1ина), урга (ургади), имц1али
(камли), ишбарх1и (жяг1ял), г1ела (гъала), ит (мадан).

Х1янчи 10. Ишди дугъби тахталези делк1еная, мякълабси тахталези илдас
синонимтира делк1еная.

Дак1ули, нукъсанни, изули, тях1ули, къалабали, разили, ц1ябли, гъачам, г1ур,
мурталра, мех1урли, арали.

Х1янчи 11. Ишди наречиебазирад царалти гъайла бут1ни дарая.

Ц1ябли, к1инайс, изули, жагали, х1яжатли, камли, буц1арли, гъамли, хъурали, нясли, дугели, зяг1ипли, авнайс, чурхли, итк1и, нувал, х1ябкьярякьли, к1иркали, или, ик1и, верх1кали, верх1кьяркьли, кункли.

Х1янчи 12. Ишди дугьбазирад учидяхъ наречиеби дарая.

Барх1и, кьяйда, замана, къалабали, някъли, цугли, урк1илабад, ц1ябли, саял, ахъли, дек1ли, журугли, зумали, дуги, тях1ярли, гъала, вашукад, вирхули, чеди, барх1ехъ, къагъли.

Х1янчи 13. Текст чеббелк1еная, наречиебазир г1яг1ниси мерла дефис кабатырая.

Дигахъи илис илди пишни, камил гъамил инжитрарили.
(И.Ибрагъимов)

Учительница аррукъес къалабарик1ули ах1енри. Илбагъандан биши, багъла багълали Къадирла бирк1анти датдулхъес дях1иб.

Михъирла г1емсни сари сарил дямдизур.

Илини хъябличи х1усбухъунси косынка балбариб, Къадирличи уди удирад х1ерризур.

Ургубалаб зарал бетаэси камли сабри, зях1матчибала арши мурбала х1янчи ахирличи дикилри, духъут1а сумрачир мер мерлар ракетабачи мешути х1унт1би сарри.

Гъала гъала Гебекли Г1ялисулт1ан вайт1а дек1ар х1ериркьули х1ейри.
(С.Г1ябдуллаев)

Столличибси гажиннизирад някъбачи шин дак1ахъили узила дях1личи чябхъдариб, бек1 ита иша гъак1бариб. (М.Хаттаева)

Лебил дях1и къакъурбази лайбак1или, бушкалабачил хъулчри душкили жагъилти багъла багълали бетихъулри.

Мях1камли, алав гъалав х1ерик1ули лявкъулри Хайнеурра. (А.Ибиев)

«Чис сабил иш жагыл мицлир мицлирли кавшес дигули урги. Къакъамайклуд, хлела нуни ца клел жумяглі сипат лѣбкѣхъис», - вехліхъиб гамила капитан, илала члукъаси чархличи хлериклули. (А.Ибиев)

Илди ургав ватхлевхъунси члѣнклі ца Гансцунри. (А.Ибиев)

Глібкъаили кайцлуги къяшми хлѣйгу хлѣйгули хъусдиругиъунтири. (Гл.Вяхлидов)

Чина биалра дураулхъес илала замана хлѣбири. (А.Къадибѣхлѣммаев)

Хлу ара сагъли кални баибси саб наб илра. (Р.Рашидов)

Къуллукъла гъайла бутліни.

Союз.

Дугъби, предложениеби цализи ца дигъес бузахъуси къуллукъла гъайла бутлалис союз биклар.

Дарган мезла союзуни мяглінашлал клел халати къукъяличи дуртлули сари:

Цаладирхъуги союзуни: ва, -ра, амма, аммаки, ваамма, я, -ну, -гу.

Цаладирхъуги союзунира дуртлули сари хлѣбал къукъяличи:

Цахлінадирхъуги: -ва, -ра.

Къаршидурцуги: амма, аммаки, ваамма, -ну, -гу.

Деклардируги: я-я, я-яра, яра-яра.

Цаладирхъуги союзуни дузахъу цаличи ца хъархлѣхъибти предложениеби яра ца журала членти цализи ца дилгъес. Масала: Я дяглі агара, я заб агара.

Къукъубиклули ахлѣнну, шурми даргудули сари. Я хлу ваши, я ну лѣвкъяс.

Чедедлугуги союзуни: сенклун, сенахлѣнну, хлѣтта, или, сенадли, нагагъ, -хъалли.

Чедедлугуги союзуначил дилгъуги сари чедедиб предложениебачилти учидяхъ предложениеби. Масала: Бугліярли саби или, ну хъули арякъунра.

Хліянчи 1. Чеббелклѣная. Союзуни даргая. Илдала жураби белгидарая.

Жявлил шаладикилри, чирагъ биалли гъаннара ухули лебалри. (Фурманов)

Илх1ели урк1и цакьадар паргъатбиуб, амма кьашми руржули лералри.
(М.-Р.)

Ц1ябли- хьанц1ти кьадурбазиб дуги алк1улри, ва дях1ц1урби
деткайхьулри. (А.Абу-Бакар)

Дубуртачиб паргъатли сабри, амма кьадурбазиб дирихь зумабирулри.
(Э.Капиев)

Г1якьакьала дявлизирра Г1ялиевра нура г1урра кьаршидикира. (С.Г1.)

Ну ац1ес вализуррагу, х1ейубра. (М.Г.)

Я юлдашунази я унрубазиилини бурибси ах1енри, вец1ну шура барх1и
гьалав сунела мурул Хасбулат сунечивад арукьниличила. (Г1.А.)

Арслан цугли х1ябал барх1илис хьайг1и вархьиб, сенк1ун ит замана
бук1уни х1ербирути шурт1ри лерг1ер г1ядабти сарри. (Б.Г1.)

Рахли пашманриадли, набзи багъахьес хьуммартид. (Х1.Г1.)

Х1янци 2. Ишди цала ца мякъларти предложениеби цах1надяхьая
далдиркути союзуни имц1адарили.

1. Ну ишбарх1и х1ушачил шадив вак1ес х1ейрус. Нуни дурсери
х1ядурдарили ах1енра.
2. Г1ях1ти заб дариб. Ванза дях1нили белкъун.
3. Х1яб биркъес алавбак1иб. Биркъубси мер итсег1ят шинни биц1иб.
4. Галгала кьялуби берх1иличидях1 ахьдик1ули ах1ен. Илала х1ячми
ванзализи мурхьдик1ули ах1ен.
5. Устала т1ама бара камбиуб. Жанях1лизирад дукаррях1ибси Г1яллишла
т1ама чехиб.
6. Илис Зара черазс ва иличил гьайэс дигулри. Гьанна г1ергьити чумал
барх1и ил чучи рак1или ах1енри.

Х1янци 3. Ишди союзуни дак1ахьили, предложениеби делк1еная.

Сенадли, -ну, -гу, х1ятта, амма, я, яра, эгер, рахли.

Х1янчи 4. Ишди царка предложениебачи союзуни имц1адарили учидяхъ предложениеби делк1еная.

1. Берх1и г1елабикиб,
2. Къукъула асар илцадра ц1акъли сабри,
3. Нуни дарман бержира,
4. Къял бара сунт1бикун, ...
5. Илис рурси чераэс ва иличил гъайэс дигулри, ...
6. Дубурличиб барх1и саби,
7. Г1ях1мад гъар барх1и хала дудешличи дуц1ли дураирки,
8. Берх1ира гъаббак1иб, ...
9. Итни барх1и къагъурти сагали дак1удиуб,

Х1янчи 5. Союзлизир ва послелоглизир –гу дак1ахъили к1ик1ел предложениеби делк1еная ва илдала дек1ардеш бурая.

Х1янчи 6. Черделк1еная предложениеби ва багълабирнила ишараби кадатирая.

1. Жабраг1илов Кавказла урк1илизив х1ябц1али дус виуб амма илини гъанна ах1и Кавказ ункъли х1исабх1ебариб. (С.Г1.)
2. Илад Марья Ивановна аррукъес г1яг1нисире ва бег1ла г1ергъи ил чераэс дигулри. (А.С.Пушкин)
3. Вег1 сегъуна виалра гъалмагъра илгъуна вирар. (Х.б.)
4. Чечнялизиб сунела мурад сах1ерхили Х1яжимурад Тбилислизи чариуб.
5. Дудешли чина вархъалра ну ила арашусири.
6. Г1ур къанни бирарну замана шалг1еббухъайчи бяхъя душмайс. (С.Г1.)
7. Х1укму дурабулхъули ах1енри сенк1ун Шамил арх1яличив сайри .
8. Ну аркъуси шилизи автобус х1ебашни багъандан, иличивад гъундурала х1ябкъайличи кац1ира. (А.Ал.)
9. Г1иниз заякабарилри ашкарлира сунезирад шин ках1есахъес къасли.
10. Душман увях1си ва къяркъси виалли сурс буца сунела вии ч1умали.

Х1янчи 7. Белч1еная. Союзунани чинар ца журала членти, чинар предложениеби дигьил, бурая.

1. Урчи ва эмх1е бузераила миц1ираг сари.
2. Я неш разих1ерикиб, я дудеш къабулх1ейкиб.
3. Дудеш школализив яра клублизив ургар.
4. Дурх1ни гъачам булхъули саби, гъачам далайбик1ули саби.
5. Нуни Пат1иматличибад бак1ибси кагъар белч1унра, ва дила урк1илизи умутдеш хъурабиуб.
6. Ил хала дудешхъалачив ургар яра нешла рузихъалачив.
7. Нешла мезла биаб, урус мезла биаб илини чебетаахъили макъала белк1ес бала.
8. Г1иса вак1ибгу, жявли арякъун.
9. Гъанна Къадис я гъайик1ес, я х1ерик1ес, я селичила-биалра пикриик1ес дигули ах1енри.
10. Ишабад гурда арбякъи саби, яра халах1ебаибси кец1ала къел сари.

Х1янчи 8. Сарилцун дузахъути ишди союзуначил предложениеби цаладяхъя ва делк1еная.

Сенах1енну, сенадли, х1ятта, ва, я, яра, амма, аммаки.

Х1янчи 9. Точкабала мерла урдатурти союзуни кадалтули, предложениеби черделк1еная.

1. Жаниварла къярд бик1нира бархъси саби, ил къярдличи чекабаибси вац1а жаниварти дахъалси саби. (Г1.Абу-Бакар)
2. Илала т1амаличибли Юрани багъур, неш дек1ли зяг1иприкили риъни. Илини къакъбариб, висих1ейб, гъанна неш сунечир зяг1иплири.
3. Неш хъайг1ир сарри, ... илини гъанна гъаргалабси карилар нусилара картошкалара чудни дирулри. (Г1.Абу-Бакар)

4. Ил сек1айчила ... школализиб балули ах1енри, ... бег1ти шакбиркули ах1енри. (М.-Р.)
5. урк1и шадх1ебиуб, чарх аваданх1ебиуб.
6. Адам агарли ванза биэс х1ебирар, ванзаличирти лиг1матуначи ч1янк1ли адамли виарар пахрубирес. (Г1.Абу-Бакар)

Кесек.

Сунени предложениелис яра предложениела членнис чеимц1аси мяг1на бедлугуси кьуллукъла гъайла бут1алис кесек бик1ар.

Чула мяг1на х1ясибли, кесекуни чумал кьукъяличи дурт1ар.

Суалла –у, -в, -ара,(-ра); -л,(-ал), -а. Ишди кесекуни сари, глагол ах1енси девличи дак1алли: Вак1ибси учителу?

Девла мяг1на ц1акъбирути ва дек1арбирути: *гъеч, балли, бархли, кьалли, -к1ун, -дек1арли, -къадин, бахъ,(вахъ, рахъ), тьян, булан, гъат1и, -гу, ва ц. Сепайда, илди (жаниварти) някъбачил дучес х1ейрули къадин.*

Отрицаниела ва къадагъабирути: *юх, сеналра, бек1лил, вара. Юх, х1унигъунти хабурти чилилра х1едала.*

4. Марбирути: *г1е, гъайгъай, гъайгъайра, марли, агъа, марлирагу, мук1урлира, асубирар. Г1е, ну дебали зяг1иплири. (А.Гъази)*
5. Белгиагрила: *дигара, биалра, сабрил (сайрил), сарил. Ил поезд чина – дигара башусив?*
6. Цаургабла къадар яра сек1ал иргъахъути: *-сера, -мага, -имц1а, -сек1ал, -дек1ар, сайрил, -рил, виалра (риалра, биалра). Гъачамра – сера ах1енри ши батурли арашес чеббуркъубси. (М.Хуршилов)*
7. Вявла ва дугъабизла: *эй, ва, жав, х1ера. Жав, кари иш уталичи.*
8. Вачарвархни, тамашаиъни иргъахъути: *гъари, ягъари, х1ера, х1ера гъари ва ц. Ягъари, х1у бек1лил халах1еилригу!*

Кесекуни лук1ни.

Дефисличил лукла ишди кесекуни: *-сера, -мага,-деклар, -биалра, -дигара*: кьац1-мага, х1яйнара-сера, жанивар-сек1ал, илцад-деклар, чи-биалра, се-дигара.

Кесекуни *кьалли, кьадин* чус гьалар даклибти дугьбазирад декларли лукла: Иш кьалли г1ях1си адам сай. Х1у вик1уси бархьси ах1ен кьадин.

Кесекуни: *-к1ун, -цун, -гу* царх1илти дугьбачил дарх лук1ути сари: итк1ун, нуцун, вашигу.

Х1янчи 1. Ишди предложениебазир кесекуни даргая. Илдани сегьуна мяг1на иргъахъулил (сегьуна кьукьялизи кадурхулил) бурая.

1. Наб гьанбиркусири х1уник1ун маза дархдатурли ургуд или. («Замана» газетализибад)
2. Жузлизибад лук1уси биалра, сайцунра бажардииркигу, иш гьак1лис х1янчи гьамадтазибад ах1енри: г1ебшнила т1аби г1ятличила хабар цалабирхъусири. (И.Ибрагьимов)
3. Гьарил бирк1ан илалаван далдикибси чехьери чинар раргес вирара? (И.Ибрагьимов)
4. Г1ялиевра нура кадаибх1ели, чилра-деклар нушала адам аги. (С.Г1ябдуллаев)
5. Сулеркала шилизиб Дагьиста царх1илти шимазиб агарси ца гьат1и тамашала г1ядат лебри: хьунул адам, мурул адамван, ахъли кьиматларирусири. (М.Расул)
6. Агъ, бахъ цаличи ца мешутиригу илди к1елра! (И.Х1усейнов)
7. Умуси урк1ила диг1яндеш бииши гьат1и, чеди дурабиркуси. (И.Х1ясанов)
8. «Юх, х1ед саби, Разия-Ханум», - рик1ар гуржи рурси.
9. Герасим барх1и ахъайчи к1инара-сера диг1янбарибси хяличи вякьун. (И.Тургенев)
10. Юх, бурх1ебуриб илини рурсилизи я итх1ели лазаретлизиб, я г1ур заг1ипикнила сабабра. (И.Х1ясанов)

Х1янчи 2. Ишди кесекуни даклахъили, предложениеби пикридарая ва делкленая.

-ну, -гу, -ан, -клун, -цад, -сера, -мага, -деклар, -биалра, -дигара.

Х1янчи 3. Х1яжатси мерличи дефис кабатурли предложениеби черделкленая.

1. Се дигара варес х1ейрару, гъатли? – жаваб лугули сай илгъуна масхарачи Андрюшани. (С.Г1ябдуллаев)
2. Лерилра сера галгуби шинишдиублири. (Р.Рашидов)
3. «Ягъари, зянкъ дуи сек1ал дургар», - ира нуни. (Р.Рашидов)
4. Ну гъачамра сера ах1енри х1ушала хъули вак1ибси. (С.Г1ябдуллаев)
5. Ц1ябли деклар ах1енси дуги саби. (Г1.Абу-Бакар)
6. Чили биалра цализи ца къаркъуби дирхъниличи мешубиркулри.
7. Сен дигара г1яг1нибиркур или, нушани варгъи арбухира.

Х1янчи 4. Иш текстлизирти кесекуни черделкленая.

Г1якълу ва давла.

Цагъачам, г1ебшнила дебали буг1ярси барх1и, сайгъунти мискин-пьякьиртала къукъялизив зибиръили руржули, Шими базарла ца музаличив игъбарличи х1ерли т1ашлири: белики, т1ут1ла унхърала бег1тани яра батагъабала хужаимтани, урк1ец1идухъи, сунес сегъуна-биалра х1янчи гес? Иличирти палтар дик1ах1елли, дигарцад дурдибти, чеди х1еръибсила урк1и чукурбиахъести сарри: зибкънарбиубси чухъа, гъезла ч1янк1биубси къап1а, делки т1ярхъубардиубти къачалайти. Иличи дурхъати палтарли жинс-бек1 жагадарибси, сунес сай ваибси, ва вахъ уктемдешли базарличи ках1ерцусиван хамли кайзурси давлачев багълакайубли гъамиуб. Ганзла къадар гъарахъли т1ашизурли, илини Шими къяшмачивад бек1личи бикайчи мискъилладила х1ерли вяхъиб, ва, хамли пишяхъили, къизбатур:

- Ва, Шими, х1узив гъари?! Гъеллелей! Х1ук1ун мурталра нуша давлачертачив дукарк1ули вируд. Илх1елира – х1уни х1у г1якълукарлизи

халирули! Гъарли – марли илгъуна урибси г1якълукар виадли, сен гъат1и х1у илцадра мискинсирив? Урдибсирив? Х1уник1ун цадех1 халкълагъунти дабрилра асес вирули ах1енри!

- Валлагъ, бархъси саби х1уни буруси: дила халкълагъунти къачалайтилра агара. Илцадра мискиннира ну, - пашмай зигарухъун Шимми. Г1ур, давлачевла белкъи дамибизурси бях1личи гъимиличил х1ерик1ули, имц1абариб: - Амма иш яргалис дила г1якълуличиб багъана агара. Дила гъай - г1якълура давлара мурталра – дек1ар дарх къарших1едиркниличила сари. Масала, давла – агара. Х1ела биалли давла леб, г1якълу агара.

1. Текст саркъахъили белч1еная ва илала мяг1наличила ихтилат барая.
2. Дуркъдиубти дугъби черделк1еная ва илдала мяг1на бурая.
3. Прилагательноеби черделк1еная, илди чидни прилагательноеби сарил белгидарая.

Х1янчи 5. Ишди предложениеби, далдиркути кесекуни кадалтули делк1еная.

..., ил сабри бег1лара г1яг1ниси баркъуди. (Газимбег Бях1яндов)

..., ах1ерси, рати дила уршила хъунул паргъатли, гъалар къяйдали рузаб.

(Р.Г1ямаров)

Мер ..., гъалмагъ Г1иса, ч1умасигъуна ах1ен, бардали се баралра. (Н.Р.)

Чи сай ... иш. (Р.Рашидов)

Ихис Х1яжимурад бик1усигу ...

..., ну дебели зяг1иплири. (А.Гъазимях1ямадов)

Г1яг1нити дугъби: г1е, вара, къалли, юх, агъа, гъат1и.

Х1янчи 6. Текст чеббелк1еная, точкабала мерличи дархъдатурти х1урпприра кадалтули ва багълабирнила ишараби кадалтули. Кесекуни сегъуна журалал белгибарая.

Вавни даргес х1ейуб... . Х1ера их чемодан вокзал ... барги

- Ца ити барг ... валанри?

- Вокзалли ...?
 - Г1е ... Чилра гъамируси аги.
 - Г1е.
 - Белики х1уни их биг1ун ... биэс?
 - Ах1ен гъари. Х1ерик1ул ... - чемодан леб, мякълав чилра агара. Лайбак1или арукъес ... лайкъл и ах1енри, белики, чи-биалра разивариша ... или гъанбикиб. Х1ебиал.... валликъяна, их х1ела чемодан бургар. Ягъари, абхъа, х1еръа, белики х1ела биэс.
 - Дила сегъуна... чемодан лебси ах1ен.
 - Т1ашизи, гъари, чарухъен.
 - Набчи хъунул х1ерли сари, г1яйибмабирид.
 - Марли вик1у.?
 - Мар... х1ерли сари.
 - Набчи къл... чилра х1ерли ах1ен.
- Г1.Абу-Бакар.

Послелог.

Сунес гъалаб чиди – биалра падежлизиб дев т1алаббириси ва сабицун предложениела членни биэс х1ебириси къуллукъла гъайла бут1алис послелог бик1ар.

Послелогун и детарар дек1ар – дек1арти гъайла бут1назирад.

Дахъалгъунти послелогун и наречиебазирад детарути сари.

1.*Наречиебазирад*, масала: г1ергъи, удиб, чедиб, мякълаб, ургаб, гъалаб, бух1наб, г1елаб.

2.*Существительноезирад*, масала: мерлаб (итила мерлаб), х1екълизиб (школала х1екълизиб), сабабли (ну сабабли).

Послелогун и лер чус гъалаб бак1ибси девличил дефисличил лук1а ишди послелогун и: алав, дях1ли, бархли, урга, уди. Масала: стол – алав, барх1и – дях1ли, халкъ – урга, парта – уди.

Дефисличил лук1а лугу падежлис г1ергъи бак1ибси послелог къадин ва убла заманала глаголлис г1ергъи чуйна. Ил х1янчи х1ед – къадин нуни бирис. Гъар вак1иб – чуйна г1ях1ай нушаб савгъатуни дихи.

Цацадех1 мер чебилахъути послелогуну мер падежла формализир дашар, масала:

Гъ.п. бух1на	гъала	уди
Б.п. бух1набях1	гъалабях1	удибях1
П.п. бух1наб	гъалаб	удиб
Д.п. бух1набад	гъалабад	удибад.

Х1янчи 1. Предложениебазир послелогуну ва илдачил дархдасунти дугъби даргили чеббелк1еная.

1. Сукъуртала ургав ца х1улила вег1 – талхъан сай. (х.б.)
2. Эгер пасих1чевси хат1аикалли, илис г1ергъи дунъя къардбулхъан (х.б.)
3. К1елра г1ях1ти гъалмагъла ургар къалмакъар детаур.(Х1.Къурбанов)
4. Дусла г1ергъи биалли сагадан къаршибикиб.(Х1.Къурбанов)
5. Шанти ва г1ях1ли шакрах1ебикили, барх1ила х1ула дубурла г1ела диг1янбикес х1ядурбик1улри. (Т1.Мях1яммадов)
6. Сирила вергурси, капайзира вергурли г1янжила уди к1апируси сай. (Т1.Мях1яммадов)
7. Гажинра шинни биц1или къушлизи чарухъунх1ейс, берх1и таманни дубурла г1ела арбякъири. Ц1абилкъла бух1нала урцуь биц1иб, илдала гъала дисли дибг1яндарили г1ях1цад халчни кадихъиб.(И.Х1усейнов)
8. Гъачам Дубровский сунела камси мулк -алав къунзухъун.(А.С.Пушкин)
9. Шала хъанц1а закир ц1уба бамбагъунти хъисхъала души курт1дях1илри, ва илди – ургарад чякни ва лагъни арцурлири. (М.Расул)
- 10.Къалтинти – алав ранг – рангла г1янулби кадихъилри, амма гъачамлис илдачи чилра кайрули ах1енри.(М.Расул)

Х1янчи 2. Ишди послелогуначил предложениеби пикридарая ва делк1еная.

Урга, уди, дура, бух1на, чеди, г1ела, гъала, барх, бархъли, сабабли, гъанна, мякъла, г1ергъи, багъандан, х1екълизиб.

Х1янчи 3. Скобкаби агарли, дугъби черделк1еная: дарх, дек1арли ва дефисличил лук1ути послелогуни белгидарая. Илди дугъбачил предложениеби цаладыхъая ва тетрадунази делк1еная.

Юртла (дураб), итис (эргъи), нуша (ургаб), халкъла (ургаб), халкъ (ургаб), школала (гъалаб), дубурла (г1елаб), столла (удиб), уркурла (чедиб), Хъайс (алав), ши (алав), итис (къадин), вак1ни (багъандан), х1ечил (барх), вац1ализи (гъамли), х1ела (сун), белч1удила (шал), х1еръиб (чуйна).

Х1янчи 4. Послелогуначил дархдасунти дугъби лайкъси падежла формаличил лук1ули черделк1еная.

1. Нешла урк1и... гьалар дулхъули сар бурямти.(Х1.Къурбанов)
2. Дуц1румла хъярхъти заб... г1ергъи духъунти х1урк1бани шила къакъурбазирти жярга – зекъ ардиху.(Г1.Вах1идов)
3. Паровоз... удир ц1а дургъули сари, лямц1дик1ули сари.
4. Ил... г1ергъи, набчира пикрилизиб ц1акъти адамти лебли буили саби или, пачара паргъаткайубли сай. (х.)
5. Шант... ургав имц1али вирен. (Х1.Рабаданов)
6. Ну... г1елавад лявкъуси Г1ялиевли илис игъубли уили сай.
7. Школа... гьала т1ашизурли, уршби – рурсбачи х1ерик1улри.(Р.Г1ямаров)
8. Стол... г1ела къац1ли букес кабиибти илдала – ургаб ихтилат балбиркули ах1енри.(А.Ибиев)
9. Ну чина ваасра, илабти г1ялим... варх кайили, бусурман динна ва шариг1ятла х1ячми мурхъдарес ибти пикрумачил ихтилат барра.(Г1яли – Х1яжи)
- 10.Илини бях1личи баршибси сунела дудешла сурат... гьала къукъмусрикили рисуси хъунул чераиб.(А.Ибиев)

Х1янчи 5. Ишди предложениеби, далдиркути дефисла послелогуни имц1адарили точкабала мерла, черделк1еная.

1. Нешли ибси барили, Рабадан стол - ... кайрули сай.(Р.Рашидов)
2. Загъратла чурми булан майъализир сар, андаличиб г1ята гавбик1ули саб, рухъна неш тах -... ласрик1ули сар.
3. Ца къярдла белши дубурла ши саби. Ши - ... ва саби шилизир колхозла х1янчи демжурси замана саби.(Г1.Абу-Бакар)
4. Хъярчнани булхъути - ... низам кабилзахъули саби.(Г1.Абу- Бакар)
5. Урехи гъамбик1ух1ели чат1аливан, сари - ... сунела дурх1нира к1ап1буцили нешли дурх1нас хабурти дурулри.(Г1.Абу-Бакар)
6. Ши -... дубурти тят магъиван кайзурлири.(Х1.Рабаданов)
7. Ил х1янчи х1ед -... нуни бирис.
8. Гъар вак1иб -... г1ях1яй нушаб дахъал савгъатуни дихи.

Х1янчи 6. Черделк1еная, наречиела уди ца тугъ, послелогла уди к1ел тугъ дарая.

Клубла гъалаб собрание теб.

Гъалаб адамти вайт1а х1ербири, гъанна г1ях1ил х1ербирули саби.

Школала гъала дурх1ни цалабикили саби.

Каштанка г1яйц1бик1ули сунела къяшлау бикни багъандан, илини г1яшиубли гъала х1еръиб. (А.П.Чехов)

Музуртала чедиб гъунарчеб ч1ака гъайбатли к1айбирх1ур, х1ербик1ар гъала.

Мурталра гъала г1яшкайубли, къакъ изули саби.(С.Г1ябдуллаев)

Дураб ванали саби.

Чула гъала т1ашбизурси къяянси х1янчилизиб бузули, жура – журала пикрумазира г1елабикили, барх1и ахъиб. (Т.Мах1яммадов)

Х1янчи 7. Ишди послелогуначил дугъбала цалабикуни делк1еная.

Г1ибрат: гъалаб – хъа гъалаб, шила гъалаб, школала гъалаб.

эргъи -
дураб-
бух1наб-
ургаб-
гъалаб-
г1елаб-
удиб-
чедиб-
алав-
бархъли-
къадин-
багъандан-
барх-
шулг1иб-
гъамли-
дурабадра-
сабабли-

Х1янчи 8. Послелогуни чучил дархдасунти дугъбира сарира предложениела чидни членти сарил бурая. (Р.Г1.)

1. Урши – рурсили чула ургаб бурси х1ебакахъесра кумекбирулри.
2. Рурсбала ургар халал сарлин Хамис Г1ябдуллагъличил делхъли дуларухъун. (Р.Г1.)
3. Челис - че ахъбик1уси т1амала иргъулра, ну – алавти тят мерс дякъунх1еливан, анарханарбиуб.(И.Х1.)
4. Нуни дила жан хьалкъ багъандан къурбандирис. (Х.)
5. Мургъила мякълаб мегъра лямц1бик1ар.
6. Муц1ур х1янкабиубси адамличил ну хьалкъла ух1нав дявтаиркъес х1ейрус.

7. Ил багъандан маслиг1ятбирулра, мижитла къркъуби хър шилизи гечдарили, школа барахъес.(Х1.Р.)
8. Гър вец1ну шура ганзиличир лагерь-алав кърарултала ахъти вышкаби сари, кърарултачил дарх лех1кахъили сахъти хури т1ашли сари. (Г1.Абу-Бакар)
9. Урк1и - алав х1яливан, х1ялалли сар дигайра.
10. Вебк1ес гъалав х1яриихъибси Ражаб гъанна ц1елдала къркъаличивра ара - сагъли сай. (Г1.Абу-Бакар)

Х1янчи 9. Послелогуни дак1ахъили, шел предложение пикридарая.

Х1янчи 10. Г1яг1ниси мерличи дефис ва багълабирнила ишараби кадатирая. Дефисличил дак1ибти дугъбачи суал кабатырая ва чиди гъайла бут1а сабил ахтардибарая.

Зарани г1ела гъала х1еръирули сари лех1ли саби. Лявкъуси агара. (Г1.Абу-Бакар)

Чи - биалра верцес виубал багъес къряннири. (Г1.Абу-Бакар)

Вац1а жагабарили бирар гургби бик1ути ц1едешла шала х1унт1ена чубкана.

Сели саял ил дурала улкала адамличи мешуиркахъули сай. (Г1.Абу-Бакар)

Ил ч1умали ганзик1улри духъут1а кърнт1а чакмачерти кършмира бара бара гъадалтули. (Островский)

Шамхал илди ч1умати бургъанти ургав, гър миллатлизибадти адамти ургав дебшлаирулри.

Х1унт1енабани чуйна сабил гържум бариб. (Островский)

Ражабличирад дашути кагърти илини к1ина х1яйна дуч1ули рири, кагър кърнбиалри гъалаксаурли почтализиди раши.

Бархъли бузусив х1ела сяг1ят т1амадариб мурул адамли.

Междометие.

*Чула уми гъанх1едушили, урк1ила х1ялани иргъахъуси гъайла бут1алис
междометие бик1ар.*

Междометиела морфологический лишанти агара (къадар, жинс, замана, падеж, бях1 ва царх1илти).

Гъайик1усили чучирли иргъахъути мяг1нуби х1ясибли междометие чумал журала сари:

Гъирбирни иргъахъути, сунези гъай бурусила пикри бях1чаахъес дурути: гъу, гъари, вари, х1ера, х1ера-х1ера.

Разидешла: агъа!, гъа-гъа-гъа, гъурра!, х1яйт-х1яйт!, гъи-гъи-гъи, х1я-х1я-х1я!, ай лаззат!

Тамашаиънила: вях1!, гъеллелей, агъ, гъуя!

Гъимидухъни иргъахъути: ту!, х1яй! И-и-и!

Пашмандеш иргъахъути: вай-вай-вай, агъ, ая-ай, ай-гъарай.

Баркала, салам иргъахъути: баркала, ассаламу г1ялайкум, ваг1ялайкум салам. Велх1унрив, гъаммаддирая.

Междометие гъамти сари т1амрала г1ердирути, хъа арцантази, миц1ираглизи (магъдарес) ирути дугъбира: Чук-чук-чуку!, магъ-магъ-магъ, , ч1ив-ч1ив ва ц.

Х1янчи 1. Ишди предложениебазир междометиеби чедаахъая. Чуни иргъахъути х1ялани х1ясибли, илди дек1ар-дек1арли черделк1еная.

Эгъе-е-гъей-гъей!-хапли аргъиб Батирайли. —

Буцая, буцая, х1ерая лябкъулину! Х1я-х1я-х1яй, вег1 ватла гурдахъай.
(Х1.Г1ялиев)

Гъай - г1яйиб –гъай, гъалабал х1ези бурибси виасри! (Г1.Абу-Бакар)

Ту-у! Гъу-у, талих1чев уилри х1у, абдал т1акъа! (М.Горький)

Гъел-ле-лей, ит гурда багъандан нуша к1елра г1ях1ти гъалмагъ адикира къалли! – урки-урк1илавад пишяхъили сай ца.

Х1у учительница риадли, ну президент сайра! Х1я-х1я-х1яй! – пишяхъиб Насрулла. (И.Ибрагимов)

–Гъи-гъи... - Насруллагъ глѣшли дукаряхлѣбгу. Ил манзил илала хъуцларлизи зугъаси хункл кагѣб, ва ил парталичивяхл къухлизэхъур.
(И.Ибрагъимов)

Баркалла, хлуни бахъал адамтас халаси глѣхлѣдеш барри. Глур наб илизибад глѣглниси аги. Вассалам, вакалам. (Гъ. Юсупов)

Х1янчи 2. Предложениеби черделклѣная ва междометиебачил глѣглнити ишараби кадатирая.

1. Гъай аллагъ, глурра къалмакъарлизи бикиб! – илди гъайличил гъунираиб унзала гъалар рухъна Салихлѣт сунела уршилис.
2. Вари вари ну иличил гъайкавхъунра, духуси рурси сари.
(И.Ибрагъимов)
3. – Ассаламу глѣлайкум Анна Николаевна! Хлу мерлариубсигъунаригу? – дѣбглѣнти цлуба цулбира гъардаклѣхъили, ил пишяхъиб, алав-гъалав хлѣризур, хъа реглѣличиб хлѣр тлѣшаиб. (И.Ибрагъимов)
4. – Э-э-э хлѣд гъанбиркули бургар, илди дуглрухъуни хлѣчи бѣбклѣбтиван лѣхлѣбилзан ибли или. (И.Ибрагъимов)
5. Агъ ит сейклѣил багъадри. (Р.Рашидов)
6. –Гъуя арай неш, аррукъес къасу? – урклрухъун Майсарат.
7. – Баркалла дѣла рурси! – къулса ахъбурцухлѣли дѣлаван ахлѣи хлѣлара някъбира гъачамалра мадамсаб, хлѣд глѣхлѣси гѣлешмеш къадариаб, - масхара бурили, Сурхайлис хлулклуси хлѣрра пешкешбарили, шайчивяхл витлѣклѣиб ухъяна Хлѣсанра. (Гл.Тлѣгъиров)

Х1янчи 3. Ишди междометиебачил предложениеби делклѣная.

Вѣлхлунрив, гъаммаддирая, гъи-гъи-гъи, вяхл, хлѣра-хлѣра, ту, и-и-и, ай-гъарай.

Х1янчи 4. Предложениеби черделклѣная. Мяглна хлѣсибли далдикибти междометиеби имцлѣадарая ва илѣдачил глѣглнити ишараби кадатирая.

1. ... укьен! Жузи дуч1ен, – ил бег1ла г1ях1си саби. (М.Горький)
2. ... хала дудеш. Халаси къяна леб къялли, - хъатлизи хъат бяхъили Эмин дукарвях1иб. (М.Мусаев)
3. ... х1у, шайт1а начи! Сайсис? Саса, узи хайрибирар. (М.Горький)
4. Гъабза сайри гъат1и! ... Аллагъла няг1на бак1аб х1ечира, х1унира раргили кибсиличира, къурумсакъ! (М.Хаттаева)
5. «... Гъари ит шагъарлизирси гъат1ира халасигу, сукъурлив ишди уршбала абни», - бик1улри цализи ца.
6. ... Мусалав. Ваши, кайи. Баркалла илкъяйда музаухънилис. (Къасум Бег Мигърабов)
7. Ил набчи ... халал рузи или дугъаизур. (П. Х1ямзатова)

Х1янчи 5. Междометие дак1ахъили «Саламтала кагъар» ибси темаличила сочинение белк1еная.

Х1янчи 6. Назмуртазир междометиеби даргая.

Х1ера иш ну дурх1начил,

Барили мурч1ла урчи,

Халатани «гъу!» айчи

Х1ядурли дузабличи.

... ..

Агъ, дусми, ардякъунти,

Х1январилра х1ушани.

Сепайда, миц1ирдарес

Лерилра суратуни. (Р.Рашидов)

... ..

Эй, Мях1яммад, эй, Г1ях1мад,

Далкаирая х1уша,

Шаралис анц1букъуни.

Жидирулрану нуша. (Р.Рашидов)

... ..

Кавказла дубуртира,
Иларти далуйтира
Г1ях1гъубзнала гъунарра
Кавлан, гъайгъай, вирхулра. (М.Г1ялиев)

... ..

- Велх1унрив, савли салам
Дилайс гъалабиркахъи,
Урк1илаб г1ях1си пикри
Ух1наухъи алк1ахъи. (Ш.Мях1ямадов)

1. Назму саркъахъили белч1еная.
2. Х1ядурли ибси девла фонетикалалашалси разбор барая.

Ва, х1ера, кагъарлизиб
Ца мява багъарбиуб,
Г1ур Мях1ла къаламлиуб
Рангбиуб. Бухъуц1биуб. (Р.Рашидов)

... ..

Гъари, назму чумал тугъ
Кайэх1е ишбарх1ира,
Дашаб адамлис забра,
Ухаб сунес берх1ира. (Р.Рашидов)

... ..

Вари, вари, х1ебири
Селра дила адала
Я дубагар диркъаниб,
Я къакъаси къадалаб. (Гъазим-Бег Бях1яндов)

Х1янчи 7. Салам бедлугниличил. Балгначил ва яхши – хушличил дархдасунти междометиеби даклахъили, «Савлила арх1я» ибси темачила сочинение белк1еная.

Х1янчи 8. Белк1еная ва междометиеби дек1ардарая.

1. Агъ, дила дудеш, сен ках1елунри х1у, ну чарухъайчи? (Р.Рашидов)
2. Агъ, урк1и, х1у сабри бахъ тамашала! (К.Хетагуров)
3. У-у-у! Даг нушачи бак1ибси къиян.
4. Э, узи, х1ябилра урухк1уси хя х1ебиалли х1ела. (Б.Г1ялибеков)
5. Вях1, х1уша се тамашала халкърая! (х.б.)
6. Ай-ай-ай, сегъунти замунти дак1илил! – рик1улри рухъна Заза.

Х1янчи 9. Царх1илти гъайла бут1начи шурдухъунти междометиеби ва междометиебала къуллукъуназир дузахъути царх1илти дугъби даргая.

Агъ, дила аллагъ! Илала язихъси т1ама.

Гъу, дуги г1ях1бираб.

Вагъ! Сейк1усири гъари, х1у?

Салам х1елуга или гъанбикиб. Чина хабара! К1елра някъ гъаладуцили гъамиуб.

Арадеш, дила узи, арадеш!

-Т1ул! Т1ул! Т1ул- вявик1улри ил.

Сакинат.

(Диктант)

Верх1ел дус риубси Сакинат хъулир халалгъуна сарри. К1ел дус х1ейубси Х1ясбуллагъ паргъатли сирилав усулри. Авал дуслa Аминат начурбала х1язлизир, нешван маймайрик1ули ва ляррик1ули начурби «руркъулри».

Сакинат арархилри гъаларван дудешли шагъарлизирад хибти рангла къаламтачил халаси зурх1яб суратбирули. Суратлизи Сакинат пархили лералли, бисаагарли чеваргъибси Х1ясбуллагъли, сунеласун «агу-агу» или хабурти дех1кадихъиб. Х1ейсух1ели узичи Сакинатра х1еррик1ули ах1енри. Ил сурат таманбарес къайгъилизирри.

Х1ясбуллагъли суненицун някъби дебадарили бигъунси «гъая» гъаланачи х1ярх1биахъуб, г1ур биалли багълали някъби арзиб. Някъбани гъак1ик1ули, сириличи чебушибси г1ядиял кабикахъиб. Гъат1ира ахъли сунела хабурти даимдариб.

Сирила мургализи бигъунси зангъарайра Х1ясбуллагълис анц1букъун. Дебали суратлизи пархили, Сакинатли узичила бек1лил хъумкартурсигъунари. Хапли тапла т1ама аур. Ласряхъибси Сакинатли, ч1ябарличи кайкили, ч1ярик1ули узи чеиб. Сакинатли ил хапвариб, г1янала бек1лиу кабихъили, мякълабси кроватьличи каркъиб. Столличибси гажиннизирад някъбачи шин дак1ахъили узила дях1личи чябхъдариб, бек1ита - иша гъак1бариб. Уршила сагали ч1яр дурабикиб. Ч1ярличил барх гъигъра. Г1ур, нешличирра имц1али малх1ямли гъайрик1ули, узила биса т1ашаиб. Ил палтарли вег1вариб. Ванадарили ружери бак1ахъибти ниъла стакан бержахъиб. Гъанна таманх1ебиубси суратличила илини хъумартурлири. Неш къяйда хъулирти х1янчи дирули арархиб. Аминатлизира сунес кумек барахъес хъумуртули ах1енри илини. Рузилира сунела х1язла ваях1 ибгиб. Неш хъули чарриубх1ели, хъулиб ца г1ях1си умудеш лебри.

Дурарти х1янчи тамандарили чарриубси Г1ябидатли рурсби гапбариб.

Муъминат Хаттаева.

Х1ямид Х1ямидов

(диктант)

«Х1ямид дила дебали г1ях1си г1алмагъ сайри. Х1ямидлизиб тамашала хасдеш лебри: се барилихъалли умсх1емсни, паргъатдеш х1ебални, бузериличи диги, адамтачи карц1и.

Ил х1янчизартачил, г1алмагъуначил, тянишуначил, хъалибаргличил сецад гъайик1улихъалли умсх1емсни, мирхъили т1акъа къяйда, ил адамта алавуцили вири, амма илдачил ихтилатик1ес ил умсх1емси. К1ел сяг1ят гъанк1 ахъили, ил 18-20 сяг1ят узес вири. Ил урх1мешуах1енси адам сайри.

Илини гъарил адамличил: халасиличил, вишт1асиличил, х1якимличил, г1ялимличил, студентличил-чучи далкайкибти, кагибти, малх1ямти, ил адам сунечи вит1ак1ести, сунечи х1яйраниэсти гъай дурги.

Х1ямидлис улухъаби, хасданра спортсменти дигахъи. Банкла, сунела сай вег1ти арцлизибад илдас халал кумекра бири. Спортсментас гъар мурталра арц, премияби, стипендияби, савгъатуни дедлуги, сайра Дагъиста мушлукъабала Федерацияла председатель сайри. Ил халкъли ункъли валуси, бик1уливан барха зела беркунсиван, валусири ва илала х1урмат бирусири. Ил багъандан сайри Пачалихъла Думализи гъар г1ергъили к1ина вик1ибсира. Эгер Х1ямид миц1ирли кали виалри, республика экономикала вайси агилизибад дураэси программа маслиг1ятбарес вирусири. Ил гъалахили челябкъуси политикала аги-къяйда бурес бажардииркуси пагъмукар политик сайри. Х1ямидгъунти адамти нушачиб камли саби, илди мях1камбарес чебиркур.

Хизри Шихсяг1идов.

Бибк1ибси эмх1ели давлачеввариб.

(Изложение)

Куц1айг1ялила бахъх1и биубси эмх1е лебри. Амма гъар барх1и т1ашбиз агарли бузахъулихъалли, эмх1ели Куц1айг1ялила яшав ункъх1ебариб.

-Иш далав бухъли нуша давлачерх1едирех1е, хъунул, - вик1ар гъачам Куц1айг1яли. Бибк1ибх1елилра ц1их1ебаресал вик1улра ишини нушала аги.

-Вари гъари мабѣбѣаб! Эмхѣ бѣбѣалли лерил мухри набчи чекаркурну.

-Буришав наб сен ил бѣбѣили дигулрал? – Гъанна – байрумтира далайчиби-делхъчибтира бахъбаибси замана саби. Илаб дам-дядван бузусира агара. Эмхѣла кабѣлизирад дамани дарес пикрибарилра, хъунул, нуни. Канила камлизибад къалли гѣяжаибли бучѣуси дам бѣтаѣс!

Ахирра гербизур эмхѣ. Балкъаахъур Куѣѣайгѣялини цаибил дам. Дурасиб ил базарличи. Сѣпайда, я дамличи хѣлерилзуси я гъамирусѣ агара. Къакъавакѣили, Куѣѣайгѣялини дяхъиб дамлизи. Базарличив дяд бирцанра левли уили, дамла бакъибмад вагъарухъун илра. Бучѣесаиб дяд.

Ма, алавхѣбикѣура илаб адамти? Мявабизахъур илсѣгѣятал. Дехѣкадихъиб делхъ. Лебил базар халаси концертличи шуркабухъун. Рахли дамсурти дам-дяд тѣашхѣеалри, булхъантира тѣашхѣебилзи.

Илав Куѣѣайгѣяли дяднучѣачи гъамиуб:

- Нушала матяхѣ ца агарли ца цѣуръаби сари. Нушабра тянишкадиѣс гѣягѣнили саби. Ваши набчи аркъѣхѣ!

Дяхъили музѣкара, бухѣнабухъун илди Куѣѣайгѣяличѣ. Разити дам-дядла бакъили разириуб бара гъалар рисес хѣядурсѣ хабчаб. Дариб ца гѣяхѣти делхъра.

Букра буки, Куѣѣайгѣялизи гѣяхѣл викѣлар:

-Гъанна хѣушара даши набчи.

Дяхъили дам-дядра, бакѣиб илди дурашан гѣяхѣяйчи. Илала хъунулра дурхѣнира азбарла дурабухъѣ пухѣдатур цадехѣ делхъ. Концертличиван учибикиб шанти. Дяхъиб хѣиллимайти.

Бархѣхъ кѣелра юлдаш пикрибухъун:

Нушаб сеналра декѣлардикес асухѣебирар. Алкѣлахъѣхѣ ца гѣяхѣси концерт.

Кѣибѣхѣалра хъалибарг цахѣнакабикили, дяхъили дам-дядра, шимазибад шимази башѣскабиб – цабѣхѣ булхъули, цабѣхѣ далайбикѣули.

Алхунси эмхѣла гѣяхѣдешли кѣундаѣиб гъаларла шишимтира, къаѣѣшинни биѣѣиб къумурра.

Газим-Бег Бяхіядов.

(Изложение)

Аклубсири Газим-Бег дуразли хъуцлари баллахъунси, курали ва къялкъяли хъат някъби къатавта дицлахъибси хъубзара Къара Бяхіядла хъалибарглизив Миклхіила халаси шила хъар дубличибси, сай виклуливан, къаплагъуна Гіайсала Къякъ биклуси биштласи махъилизив. Бехібихъудла школа илини белчлунсири унраличибси Тарлан Къякъ биклуси махъилизиб. Школа биалли таманбарибсири махъилавад ша урчила дуцлацад гъуйчи гъар бархліи къяшлизи къяш бирхъули вашули. Ил гъуни Газим-Бегли бархліили авна ихъусири: савли школализи, хіерейс хъайглі вашули, бархлехъличил биалли районнизибад почта хибхлейс сагадан шилизи кайусири.

1959-ибил дуслизиб Миклхіила школа таманбарили глергъи, Газим-Бег 1962-ибил дуслизив Москвализи Горькийла уличилси институтлизи керхайчи жура-журала ялчила хіянчи дирули узули калун. Шел дус институтлизив сай учлули калунти илини вируглер литература багъес ва даргала литература вируглеб гъалабяхлі арбукести имкантиглев умцлули дикахъиб. Илди дусмазир илини сунела назмуртала цаибти жузира дураиб, Гіарасайла луклантала урга сунела у ва сай веглси тлама кадерхахъур. Аммаки бекліи биубси пикри илини Москвализи кабухибсири, дила пикрили, «сай агарли иш дунъяла гіямал хіебирниличила» сабри. Ил тяхіярли белгибарибсири илини луклантала ва ванзала инсалтала ургаб сай веглси мер: гъарилра адамли дунъя жагабарнилизи, Ватлан чебяхлібирнилизи, Дагъистан вавнабяхъяхънилизи лайикъси пай кабихъес гіягліниси саби ибси пикри илала уркліиличиб даим луклули лебсири ва ил гъарилра адамлизи аргъахъес къайгънилизив вири.

Сунела цаибси жузлис Газим Бегли «Нура дубурлан сайра» ибси у бедибсири, ва лерилра сунес илала глергъи дерклес къадардиубти дусмазив ил сунела хъяван зайбиклуси ил гъайлис марли калунсири. Къисматли

къадарбариб илис сунела глямру шагъарлизир дерклахъес, аммаки ил диркъ баргшибхлели барсбируси дубурла хлеркѳван сунела хѳл-тѳабигѳятлизив варсхѳейуб. Дубуртачивад ил тѳп чѳхѳ-забѳла гѳергѳи кабухъунси варачанван гѳалакли каѳѳибсири, ил тѳхѳярли ил даргала поѳзиялизи ва кулѳтурализи аѳѳибсири. Илгъунасили кадѳра кавлули сай ил даргала литературализив, сай валули ва барх бузули калунталара арагѳеб даргантала урклѳбазив.

Сай нушачил варх нушаван чеди дунѳяличив гѳяхѳялли левали Газим Бегли авѳѳайчирра имѳѳали жуз дураиб. Бурехѳе, гѳарилра илала жуз тукентазибад дягѳли арбухибсиван бетихъусири, иличила назмурти дигантала ургар дахъал лякъирти алклѳутири, илала пѳкруми гѳараѳѳли аргъес дигутиѳра камбирути ахѳенри, хасѳира итди замунтачиб ахъти тухрачи кабиибти, чус саби бунагъагартиван кабилзути, поѳт биалли илди чѳинклѳир хѳякимтачи дугъаилзули, «Дѳла бегѳла халаси бунагъ-гѳяйиб – хѳушагъунти кахѳебушили я бѳхъхѳябѳхъили балтнилизиб саби» викѳусири.

Селичила лукѳули вири Газим Бег? Ил даим Ватѳанничила вири лукѳуси, ватѳаннизив биалли хъубзара ва ватѳан балтахъуси ургъан адамличила, дудешуначила, нушала гѳядатуначила, тарихличила, умути дѳгайличила, хъунул адамла черѳхѳдешличила. Гѳе, хъунул адамличила илала назмуртазив нушани даргала дубурти гѳатѳира ахъдуцес виѳси, дунѳя сунечи хѳяйранбиѳси, умуси гѳабза сайри чейуси.

Мѳхѳяммадшапигѳ Гѳѳисаев.

Буралаби

Набчила дам бѳхъядли, хѳечила дядра бирхъис.

Чеблуми агарти мискинѳдеш – ѳшавлизир ѳркинѳдеш.

Сабур агарси мискин адам набт агарси чирагъличи мешуси сай.
Адамлис урехиагардеш – илала лезмила муридешлизиб бирар.
Асесиличила пикриухъен, бицесиличила пикрималхъадну.
Гъамти гавли сукъуриру.
Узи – ил дукала сай.
Балк1унси галагала дях1ц1ира балк1а бирар.
Ванзаличибтачи х1уни урк1ец1ира рях1мура чедаахъадли, заклизибтани
х1ечира урк1ец1и биру.
Балагъ чебак1ибх1ели адамтани чула ургарти инзагъунира кьижра
хъумурту.
Ихтилат-гъибандили гъуни къант1биру.
Янила бех1бихъудлизиб эмх1ес эмх1е бица.
Гъабзадешла таж – халах1ерхурдеш.
Валри ч1янк1 авлахъличиб гами саби.
Гамилис дигуси къяйда х1ебирар дяг1 булхъуси.
Бяркъ мургъиличибра дурхъаси саби.
Тухум-ургарти душмандеш г1якърабличирра кахти сари.
Лерилра гъундурани шинкъаличи виахъу.
Заблиу викибсилис гъанбиркуси саби лебилра бемх1ур или.
Дигайла х1улби сукъурти дирар.
Г1яшикътала гъимбук1ни х1ебла забгъуна бирар.
Мискиндешла унза мурталра гъарзати дирар.
Разидешла барх1и мурталра къант1си бирар.
Гъарил бурибси девличи лех1ихъуси лих1и лебси саби.
Г1еркъабит1унси мекъли улхъес бурсивирахъу.
Берх1ила нур адиц1уси хъули тухтур вашх1ешесра асубирар.
Девла кагибдеш – къант1деш.
Мех1ур хабуртала къяшми г1еркъати дирар.
Эгер пасих1чевси хат1аикалли, илис г1ергъи дунъя къардбулхъан.

Эгер х1уни г1ях1баркь барадли – лех1кахъи, х1ед г1ях1баркь баралли – иличила бура.

Чиди - биалра улка палакатбиубли дигалли, ил улкала х1якимти бахъбаахъес балгна уч1ен.

Кани – адамла душман.

Дигайла дях1имц1ала сукъурси бирар.

Сунела агъулизибад ч1ич1ала х1ебубк1ар.

Цацах1ели вайси лишанчила ургира бархъли чейгули вирар.

Дуц1румла кьалтин халаси бирар.

Арслан бухънабаалли, иличир х1яв буц1ира дукарк1ар.

Малаикунни дак1убухъунх1ели, шайт1унти детихъути сари.

Чичи-биалра гъимук1адли, урк1илизиб даршувизэсра мер бати.

Къайс сунела мукукури дек1деш ах1ен.

Гечликъянаби г1ярабунани шинна гъуни г1ях1ил бала.

Урухк1ушилис бирхъули бирар.

Нукъсандешуни агарси гъалмагъ варгес умц1уси, ялкъузли кавлан.

Ках1ейкибси ах1елзан.

Гидгари биг1унсили г1ярг1яра биг1ес вирар.

Гушсила канилис къац1 мижитличибра дурхъаси саби.

Къяна-изала, бархъдеш дарман.

Дак1уси гъаргли бурибси г1яйиб г1ях1си бирар, диг1янси гъимиличибра.

Арила тур г1еркъаси бирар.

Дахъал арцли адам сукъурирахъу.

Бемгурси къял бирзеси камх1ейрар.

Арцличибра г1ях1си вакил лебси ах1ен.

Адамла г1ямрула ц1едеш - илала г1ях1си у.

Ц1ахдеш мурталра г1ямруличирра г1еркъати дирар.

Айтулира буралалира къянала тур дурах1ейсу.

К1ялг1я бариб, амма лебилра шагъар заябариб.

Х1яйван бица, амма ванза аса.

Бац1си къюу аръа маркала шинни бирц1х1ебирц1ахъу.
Гъимук1ибси – г1якълуагарсила узи сай.
Къумбарла шям шалах1ебик1ар.
Г1якъраб ч1ич1а бузи саби.
Урхамтала т1ама леб, амма бет1у чедиули ах1енра.
Берх1ила дях1 улаличил диг1яндарес х1ейрар.
Арцли арц дерцахъу.
Сукъуртала ургав ца х1улила вег1 – талхъан сай.
Къайц1бик1уси абъали жибх1ни халах1едиахъу.
Велкъунсили гушсилис къац1ла бут1а гъалакх1ейк1ули гъала кабирхъу.
Х1ед бархъдеш дигулрив, яра илала бузикар дигулрив?
Улхъес балх1ебалуси, дила къяшми далк1ти сари вик1ар.
Хъурсвашес дигусини сунела мукукури диг1янх1ейру.
Валрила вег1ли юртла къапу ахъти диру.
Ярагъ агарси ургъх1ергъар, дергълизи дурах1елхъан.
Сунела юрт шишализибад барибси адамтачи къаркъуба иртх1ертур.
Туснакъ туснакъли кавлан, ил анхъ биалра.
Дигаила насих1ятчиби х1ебирар.
Савлис шям г1яг1них1ебиркур.
Дулел1лис пайдачебси, к1ац1лис балх1еркули уббулхъан.
Шайт1ай сунела хъали заях1ебиру.
Х1яв бец1 г1ярг1яна лукъуси ах1ен.
Иш нуни вилг1яхъес бурсиварра, амма ишини дила кисала някъ кабатур.
Нуни бицибси дила юрт ах1енрину, дила унра сайри.
Лезми – урк1ила тилмаж саби.
Къиркъир давлачев – сахаватси мискинничивра мискини виар.
Адамла дугъби – илала г1якълула базманти сари.
Урк1и-урк1илабад бурибси девли царх1ил урк1иличилара асар биру.

